





UNIVERSIT




M. VANHOUC FI:
BOEKHOUTER
Gasmeterlaan, 45. CENT

Med 648

0 - 9 - 0

Meel 698





Med 698
JOHAN. SWAMMERDAMMI

Amstelædamensis, Medicinæ Doctoris,

TRACTATUS

PHYSICO-ANATOMICO-MEDICUS,

DE

RESPIRATIONE
USUQUE PULMONUM.

In quo, præter primam Respirationis in Fœtu
inchoationem, Aëris per circulum Propulsio statuminatur,
Attractio exploditur; Experimentaque, ad explicandum
Sanguinis in Corde tam auctum quam diminutum
Motum, in medium producantur.

EDITIO ALTERA.

Cui subjuncta est

D. ALBERTI HALLER,

MED. ANAT. BOT. ET CHIR. IN ACAD. GEORG. AUG. P. P. O.
SOC. SCIENT. SUEC. SOD.

DE

DIAPHRAGMATIS MUSCULIS

DISSERTATIO ANATOMICA.

EDITIO TERTIA.



LUGDUNI BATAVORUM;
Apud CONRADUM WISHOFF, 1738.



THE UNIVERSITY OF CHICAGO

LIBRARY

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO



THE UNIVERSITY OF CHICAGO



I L L U S T R I S S I M O

V I R O ,

D. D. THEVENOT,

*Olim nomine Potentissimi Galliarum Regis ad
Rempublicam Gemuensum Alegato,*

DOMINO ET FAUTORI SUO MAGNO.



Uoties mecum, Vir Amplissime, incredibilem Tuam Humanitatem atque benevolentiam animo revolve, & quam liberaliter, atque hilari fronte, omnes illos externos, qui Te compellendi gratia ad Tuas accedunt, recipias; imo, quod me speciatim tangit, quam altè me, dum Lutetiae Parisiorum viverem, in Tuam amicitiam favoremque admiseris; semper pudore suffundor, quod pro tot tantisque acceptis beneficiis nihil, præter verba, mihi superfuerint, quibus profiteri, quan-

D E D I C A T I O.

quantopere Tibi devinctus maneam, hætenus potuerim. Nunquam sane memoriâ mihi excidet jucundissimum illud Turbifugium, quod in prædio Tuo, juxta pagum *Iſſy* sito, mihi & utrique nostrum communi amico *D. Stenonis* parare voluisti, in quo otium & omnia necessaria nobis suppeditasti adminicula, quæ ad contemplationem generationis Pulli ex Ovo instituendam, (miraculo sane proximam) conducere quoquo modo poterant: quid memorem jucundos illos excursus per montes circa *Medum* sitos, in quorum cacumine stagnans aqua nobis, præter alia, præbuit ex Insectorum genere *Hydrocantbarum* minimum, qui per aquæ superficiem irrequieto motu huc illuc inordinate transcurrit, atque, dum ad fundum properat, ope potissimum pilorum tenuissimorum, in Animalculi istius caudula sitorum, ærem, sub bullulæ forma, *Ouropygio* includit; cujus beneficio iterum se erigit, & ad aquæ superficiem ascendit. Nihil dicam de laudabili Tua curiositate, cui ut satisfaceres, e proximo flumine *Sequanæ*, per pedissequos Tuos, omnis generis Insecta, eadem cognoscendi & examinandi gratia, colligere atque ad me perferre jussisti. Unum silentio transire nequeo, quod adeo flagrans sit Tuus ardor & studium circa rerum Mathematicarum & Naturalium contemplationem, ut domus Tua singulis hebdoma-

ma-

D I D A C A T I O

mædis Academiam Naturæ Curiosorum dicam, an
 Consultorum, referat: cui Tu non minus Aucto-
 ritate, quam rerum Experientia præes. His itaque
 de causis, cum Tractatum meum *de Respiratione*
Usuque Pulmonum in lucem emittere decrevissem,
 primitias nimirum mei in Medicina Doctoratus,
 non debui multum hæsitare, cuinam illum inseri-
 bere me oporteret. Tu enim, uti Tuis beneficiis me
 totum Tuum reddidisti, ita omnia quoque mea
 Tibi libenter offero. A quo enim majorem lucem
 mutuare possent, quæ in eodem Tractatu sunt ob-
 scura, nisi a splendidissimis Tux doctrinæ radiis? Et
 a quo majus, adversus malevolorum obtrectatio-
 nem, patrocinium eidem paratum esse potest, quam
 apud Te, qui, & gratia & auctoritate, inter Eruditos
 hujus seculi plurimum polles? Fortassis hic leviden-
 sis videbitur & indignus, qui Illustre Tuum Nomen
 in fronte gerat. Sed ego arbitror, Te non ex mole,
 sed rerum pondere, opera metiri. Cum autem ego
 allaborarim omnibus viribus, ut difficillimas illas
de Respiratione, ejusque prima in Fœtu inchoatio-
 ne, (item, hac occasione, de Aëris evidentissimo per
 circulum Motu atque impetu; partim ratione In-
 trusionis in ipsum subtilissimæ materiæ, partim ve-
 ro ratione Expulsionis ex ipso ejusdem materiæ,
 sicque etiam de ipsius Aëris manifesta Rarefactione,
 atque

D E D I C A T I O

atque iterum in se Incrassatione seu Condensatio-
 ne,) controversias possem ex ipso Naturæ libro re-
 solvere, (quod forsân commodius per *Aëris manife-*
stam gravitatem, majore tamen labore, potuissém
 exsequi, nisi Medicis maluissém scribere, quibus
 hæc mea selecta hypothesis faciliior erit intellectu)
 Te Judicem elegi, qui, an scopum meum attigerim,
 optime judicare posses; Tuum enim integerrimum
 Judicium non tantum non exhorresco, sed, velut
 æger salutare pharmacum, summo opere æstimo: qua-
 propter non potuit nec debuit hic libellus alior-
 sum ire, nisi ad Academiæ illius Principem, in qua
 hæc quæstiones quotidie agitantur. Accipe itaque,
 Vir Nobilissime, munusculum hoc, tanquam pi-
 gnus meæ erga Te observantiæ, velisque illud serenâ
 fronte suscipere, & siquidem dignum videatur,
 asservare in memoriam ejus, qui Amplissimæ Tuæ
 Dignitatis cultor & præco est atque mansurus est
 perpetuò. Sospitet Te DEUS. Opt. Max. Nestore-
 osque annos Tibi tribuat in splendorem rei Lite-
 rariæ. Dabam Lugd. Batavor. Mense Martio
 Anni 1667.

JOH. SWAMMERDAM,
Med. Doct.

Ad

AD DOCTISSIMUM

ET CLARISSIMUM

DOMINUM,

J. SWAMMERDAMUM

MEDICINÆ DOCTOREM

ΠΡΟΣΦΩΝΗΣΙΣ.

Libellus iste, digna cedro qui Sophis
Medicisque profert omnibus, queis veritas
(Scientiarum & artium præses Dea)
Amica cordi est unice, jam ad pilea
Dudum vocatis. Serva sit procul hinc pecus
Risum movere sueta semper & jocum,
Queis sub mamillæ parte lævâ quid salit:
Istic, amice JANE, mole parvulus,
Inquam, libellus, pondere at rerum gravis,
(Qui rite Spiritûs iter, caussas, modum,
Et Pulsione cuncta fieri edisserit,
Aviasque de Pulmone vellit putidos,

* *

Dum

Dum Tractione de loco pulsâ suo,
Assentientes plurimos ad se trahit)
Satis superque Spiritum tuum arguens,
Spirare te quid altius vulgo docet,
Satis superque (sit modo studiis bonos)
Sperare te quid altius vulgo jubet.
Aspiret aura Numinis captis tuis!
Portus petitos ut tenere commode
Rossis, reique literatæ publicæ
Prodesse maximo opere & Insectis queas.

Amicus amico cecinit.

Dum

AD

A D

JOHANNEM
SWAMMERDAMUM,

MEDICUM DOCTISSIMUM,

ET CUM

ANATOMIÆ,

TUM PHYSICES EXPERIMENTALIS

PERITISSIMUM.

Quid tam diris ars jacuit Phœbea sub Um-
bris

Lumine resplendens proprio? Cur vera nequi-
vit

Rebus propatulis donari causa resecto

Cortice? Tamque diu Lucem vel una refugit

Functio corporeæ molis? Quandoque per Um-
bras

Ipsa sibi Lucere faces externa videntur:

** 2

Sci-

Scilicet id summæ fuit ambitionis, ineptas
Corporeæ molis partes subducere matri,
Quæ Terra est, animumque elato tollere Cœlo,
Qui Pater est; at, queis melior sententia menti,
Non hærent Cœlo, sed Divæ particulam Auræ
Adfigunt terris, & deducunt rationem
Corporis a rebus, quæ circum corpora parent:
Nunc, quibus auguriis id efficiatur, in Uno
Constat, quem liber hic in famam & secula mit-
tit.

Diversa ingenii dos est, subtilia rebus
Experimenta novis contexere, & addere pondus
Judicio; tamen Hic in dono gaudet utroque,
Dum pulsum tractu distinguit, tractaque pulsu
Cedere demonstrat, flatu subeunte cavernam,
Dumque alii blaterant mentis documenta su-
perbæ,

Hic Terræ adstrictus Naturæ Filius exit,
Atque Laborantem tot annos pectoris auram
Restituit, Peream! Si quis felicius Ipso.

JOH. NIC. PECHLIN.

JOHAN. SWAMMERDAMMI

Amstelædameusis,

TRACTATUS

PHYSICO-ANATOMICO-MEDICUS,

DE

RESPIRATIONE

USUQUE PULMONUM.

P R Æ F A T I O.



Uam certum est esse Respirationem ,
tam abstrusa & difficilis explicatu
est illius natura. A Respirationis
ea parte , quæ Inspiratio dicitur ,
vitam auspicamur , in altera , seu
Expiratione , eandem plerumque
finimus. Eadem cessante , vita quoque cessat ; ea-
demque iterum excuscitata , velut postliminio in vi-
tam Homo revocari videtur. Quicquid ab extra nos
ambit , quicquid intra nostrum corpus continetur ,
Respirationem augere , minuire , accelerare , retar-
dare , imo planè extinguere valet. Quod si ab al-
tera parte diversas Auctorum opiniones , circa Respi-
rationem Pulmonumque Usus , inspiciamus , facile
possumus conjicere , non solum diligenter ab iis in
natu-

IMPRÆFATIO.

naturam Respirationis fuisse inquisitum ; sed & , quotquot hactenus scripserunt , omnes (absit dicto invidia) unquam tantummodo ejus prebendisse , rem ipsam nequaquam , non dubito affirmare. Cujus rei causam hanc inter alias dedero , quod nimium fuerint negligentes , in considerando ipso primo Pectoris Pulmonumque manifestæ motu in Fœtu : hoc enim percepto , de ipso , qui in adultis fit , motu judicare erit facillimum. Sed quis circa fœtus Respirationem præter nenas nobis obtrusit ? Solus Harveus , satis orbi erudito notus , in Exercitationibus , de Generatione Animalium , Exercitatione de Partu , problema hoc doctis viris proponit p. m. 501. „ Qui , „ nempe , fiat , ut Fœtus in lucem editus , ac membranis integris opertus , & etiamnum in aqua sua „ manens , per aliquot horas ; citra suffocationis periculum ; superstes sit ; idem tamen Secundinis exutus , si semel aërem intra Pulmones attraxerit , postea ne momento quidem temporis absque eo durare possit , sed confestim moriatur ! „ Atque responsi loco , vacuum Lectorem dimittit , ei promittendo , proprio se loco aliquando de Respiratione disceptaturum. Quam dissertationem utinam videre nobis licuisset , forsan potuissimus supersedisse hisce nostris cogitatis exponendis communicandisque ! Sed ex iis , quæ in allegato paragrapho attulit Clarissi-

P R Æ F A T I O.

issimus Vir , satis clarè nobis constat , non potuisse Eundem attingere verum scopum in Respirationis negotio , a Natura sibi propositum : quandoquidem Refrigerationis usum excludit ; quam nos adstruimus evidentissimis experimentis & invictis rationibus. Sic etiam aliquando , si Deus vitam & valetudinem nobis largiri dignatus fuerit , Tractatum nostrum DE INSECTIS publicè edituri sumus , in quibus , præter multa admiranda in istis minimis Animalculis (in quibus summa DEI Potentia apprimè conspicitur) , etiam ipsissimum modum Transmutationis Eruce in Aureliam seu Chrysallidem (in qua exponenda quantopere se torqueat cum Aristotele Moufetus , ex cap. 36. L. 2. videre est) clarissimè ad oculum demonstrabimus : sperantes , hoc pacto jacturam illam , quam in desiderato , & misere deperdito , Cl. Harvei de Insectis Tractatu passi sunt hætenus eruditi , non nihil levatum iri.

Sed ut ad propositam Respirationis materiam redeamus : apparet , quantum desudaverimus , Primò , in refellenda illa antiquata opinione , de Attractione aëris per Os & Nares , quam Recentiorum multi etiamnum hodie mordicus tenent : quandoquidem evidentissimis experimentis hic probatum videt Lector modum Pulsionis , eoque mediante , Intrusionis aëris non solum in machinas Hydraulicas , sed consequen-
ter

P R Æ F A T I O.

ter in Pulmonem nostrum ; ut nulli dubium vel ulla superesse possit scrupulus impofterum. Deinde , Pulmones non concidere , uti vulgo creditum , sed a Pectore constringi , adstruxi firmissimis rationibus. Tertiò , quid Diaphragma & ceteri Respirationi inservientes Musculi agant in opere Respirationis , clare & ad oculum deduxi : his enim ignoratis fundamentis , tota Respirationis doctrina Cymneriis tenebris involuta jacebit. Et tandem , Ultimò , quem Usam Animal ex Respiratione percipiat , & quis vitæ fructus inde oriatur , etiam in Nutritionis negotio , ostendi firmissimis rationibus , eamque sententiam confirmavi illis experimentis , quæ in aliorum Animalculorum , circa aëris reciprocationem , motibus quotidie fieri videmus. Sed nunc tempus est , ut rem ab ovo , quod ajunt , incipiamus , & , DEO favente , ad finem optatum perducamus.



SECTIO PRIMA.

C A P U T I.

Operis Occasio & Distributio.

§. I.

CUM plurimæ a Respiratione profluant utilitates, de Ipsa primum, & deinceps de Ufu Pulmonum, agere, atque in principalissimam ejus utilitatem, *ad vitam nempe per-necessarium Usus*, inquirere constituimus.

§. II. Ut autem ordine procedat hæc nostra tractatio, & omnis tollatur ambiguitas, quid Respirationis nomine apud nos veniat, præmittemus. Per Respirationem itaque intelligimus *Motum Thoracis Pulmonumque*, quo, modo aër per *Nares, Os, Asperamque Arteriam*, in Pulmones impellitur; modo ex iisdem, ad ulterius Sanguinem, Refrigeratione vaporumque inutilium Segregatione potissimum, elaborandum, sicque ad ultimam, in sinistro Cordis Ventriculo futuram, tandem perfectionem perficiendum, iterum ejicitur.

§. III. Ad faciliorem hujus nostræ Definitionis intelligentiam imprimis notandum, plurimos esse Usus, quos aër præstat corpori nostro; nam Primo, a dilatato sursumve moto Pectore, *Propulsum Appulsumve aërem* Salivæ expressioni atque succui inservire, statuimus.

§. IV. Secundo, *Impulsum Inspiratumve aërem* Odoratus gratia, atque ad Mucum e Naribus per Fauces depellendum, Naribus uti-

A

lem

lem esse; sic & eundem ad coctionem in Stomacho, Chyli elaborationem, distributionemque apprime facere, omnibus satis constare arbitramur.

§. V. Tertio, *Retentum* vero, sicque *Conclusum* aërem, excernendæ Urinæ, Fæcum egestionem, & Partui depellendo expellendamque prodesse; imo ad Robur corpori addendum; Chyli, Lymphæ &c. atque Sanguinis, præsertim totius massæ, motum commodius promovendum, commodum, imo necessarium esse, luce meridiana clarius esse putamus. Etenim in Leidensi Nosocomio Academico, spiritus retenti ope, per patulum aliquod in pede vulnus, magnam aliquando Sanguinis copiam, pro voluntate, a puerulo excretam vidimus.

§. VI. Quarto, *Expulsum Exspiratumve* aërem, Loquelam propter & Vocem, Tussim, Oscitationem, Sternutationem, Exspuitionem, Sufflationem, Efflationem &c. Animantibus datum fuisse, nemo inficias ire potest.

§. VII. Præ cæteris tamen Animalia *maximum* a Respiratione, in *Usu vite, fructum percipere*, hinc dignoscere licet: quod, Respiratione vel minimo intervallo impeditâ cohibita, *vitam ipsam statim in discrimine versari, imo & deperdi, ut plurimum videamus*. Ut patet in suffocatione, strangulatione, aliisque casibus manifeste.

§. VIII. Porro jam aliquis hic quærat merito, quamnam *vite utilitatem præbeat Respiratio?* præsertim cum vitam a Respiratione, sicque Respirationem a vita, separare impossibile esse observemus? Respondemus autem, præbere eam *Usu illum Cordi, idque gratia conservationis vite, quam præsertim, in ultima ac postrema Sanguinis in sinistro ejus Ventrículo perfectione, consistere arbitramur*.

§. IX. *Perfectionem illam ultimam*, in Animantibus calidioribus perfectioribusque, potissimum Respirationis ope adipiscitur Sanguis, quando propter particularum suarum sibi mutuo oppositarum expansionem seu dilatationem, ab effervescencia, in dextro Cordis Thalamo instituta, factam, *rarefactus*, perque Pulmonum *Arteriosa Vasa, aëris* in Pulmões *impulsi* auxilio, prius ad recipiendum Sanguinem dilatata extensæ, *motus*; ab eodem ibidem in Bronchiis existente *aëre ventilatur, condensatur, & cum illo miscetur*, atque ita tandem *refrigeratur*. Sic vero *separatus* ibidem a *vaporibus calidis* ac aliis superfluitatibus *inutilibus Sanguis; aëris iterum expulsi*, & quaquaversum moti pressique, ac Pulmonum nominata vasa sic coarctantis

stantis ope; ad Pulmonum *Venas*; sicque porro ad *sinistram Cordis Ventriculum* purior ac temperatior, &c, propter relictos vapores, *aëremque ipsi admixtum* spirituosior quoque redditus, demum propellitur. Qui Sanguis porro in *ardentiorē ampliorēque locum*, explicatis ita modis, *propulsus & recollectus*, tum propter suam a priori effervescencia deturbationem, hic iterum restituendam; tum etiam ob suam, ad rursus de novo *rarefendum*, in ista per Pulmones trajectione acceptam constitutionem conditionemque, probe *dispositus*, novæ tandem *dilatationis* vel *expansionis*, ut &c simul *contractionis* Cordis seu pulsus ope, ad *vitam conservandam aptior, elaboratior ac perfectior* evadit.

§. X. Quod vero hæc jam assignata *utilitas*, *summus alterne dilatationis & subsidentie Thoracis Pulmonumque*, in *usum vite fructus sit*, quibus etiam *aër* modo intro, modo foras, ad *Sanguinem ulterius perficiendum*, propellitur: inferius (simul cum iis, quæ in præcedente paragrapho proposita sunt) plenius explicabimus, &c evidenter demonstrabimus.

§. XI. Ex dictis sufficienter patet, *Respirationis materiam Aërem* esse. Eum præterea in omni *Respirationis parte*, *Inspiratione* puta & *Expiratione*, *solo pulsu*, non attractione, seu fuga aliqua imaginaria (ut vulgo fertur) vacui, moveri ideo statuimus; quia in *illis omnibus, quæ ab alio, in corpore ac etiam extra corpus, moveri cernimus, præter pulsionem nihil unquam observamus vel agnoscimus*.

§. XII. Dictum quoque est, Thoracis dilatatione aërem impelli, & constrictione iterum expelli. Cum autem hi motus per Musculos Respiratorios dictos absolvantur; hanc ob causam *situ & usu non tantum, sed & magnitudine, forma, & numero inter se differentes fuerunt constituti*. Sed in eo versatur totius rei cardo, quomodo hi Musculi, Thoracem dilatando, id est, interiorē Pectoris concavitatem capaciorem reddendo, aërem in Pulmones impellant; atque, eundem rursus coarctando, foras iterum educant: sicque reciprocatione indefessa variè ac perpetuò Pectus moveant.

§. XII. Hæc ut clarè percipi possint, hæc methodo procedendum esse judicamus, nimirum si Primo scrutemur, *quid in Thoracis elevatione, ac postmodum in subsequenti ejus subsidentia, aëri accidat*. Secundo, *ex variis Brutorum dissectionibus, atque aliis quoque experimentis plurimis, aërem pulsu moveri plenius adstruamus, imo & ad oculum etiam ostendamus; unde in istis variis Thoracis atque Pulmo-*

num motibus, aëri quid contingat, multo evidentius Lectori patebit. Tertio, manifestabimus, quo modo in primo Pectoris motu necessario quoque, imo nobis nolentibus, aër ingreditur, qui, semel ubi ingressus est, porro ad vitæ ultimum continuatur terminum. Quarto, in Respirationis Pulmonumque Usus diligenter inquiremus.

C A P U T II.

Quid fiat in Thoracis Dilatatione & Constrictione, exponitur.

§. I.

SI igitur attento animo consideraverimus ea, quæ in Respiratione fiunt, reperiemus, in aëris Inspiratione, Diaphragma e fornicato planum fieri; atque sic recedens ab otiosa sua curvitate Thoracem, se contrahendo, etiam absque aliorum Musculorum Inspirationi dicatorum interventu, solum per se ampliare: præterea, Abdominis viscera deorsum ac extrorsum propellere; Sanguinem e Venis, Cor versus, movere: Pulmonesque dilatando, seu aërem de loco propulsum in ipsos impellendo, non tantum secum rapere, sed & quodammodo Pericardium atque Mediastinum. Nullas insuper alias movet partes manifestè, imo nec Costas ipsas, quæ secundario, Diaphragmatis se moventis, atque hac ratione alios etiam Inspirationis Musculos ulterius in actum ducentis, ope; principaliter a Subclavio, Intercoastalibus exterioribus, Costarum levatoribus, ut & Sacrolumbo, (Serratos enim anticos & posticos, cum ad Respirationem nihil facere putemus, hic non attingimus) e vestigio se contrahentibus, sursum atque extrorsum moventur. Eodem porro temporis momento & Pectoris Os, una cum Spuriis Costis atque Cartilaginibus, coarctari atque descendere, propter majorem Pectoris dilatationem (obscurum tamen motu), videmus.

§. II. In vehementi autem Inspiratione, singulas Costas ad pollicis latitudinem sursum motas ac elevatas, Diaphragmatissque motum evidentiorum, absque ulla interposita mora, insequentes, sæpius in vivis Sectionibus observavimus.

§. III.

§. III. Eodem porro momento, quo *Abdomen* propelli atque *Thorax* dilatari incipit, etiam *Pulmo* expandi observatur; scilicet propter *aërem*, *Thoracem* ambientem, eodem temporis puncto *de loco propulsum*, perque *Nares*, *Os*, ac *Asperam Arteriam* in *Pulmones motum*, ejusque substantiam plane spongiosam, *solo suo appulsu*, explicantem extendentemque.

§. IV. In *Inspiratione* igitur *Pulmones* explicantur, quia *aër*, tum a *Pectore* sursum moto, tum etiam ab extrorsum propulso *Abdomine*, *de loco propulsus*, in ipsos impellitur. Minimè vero movetur in *Pulmones*, seu eos ingreditur *aër*, quia ipsi primò explicantur seu extenduntur; cum in tantum explicentur ac extendantur *Pulmones*, in quantum a propulso *Abdomine*, atque a dilatato simul *Pectore*, *aër de loco movetur* ac in ipsos impellitur.

§. V. Contra, in *aëris Expiratione*, relaxatur *Diaphragma*, atque ad pristinam fornicis figuram seu curvitatē, sibi, dum in *Utero* *Fœtus* adhuc hæret, vel quando in quiete seu minore contractione versatur, naturalem redit; sicque ad *superiores Costas*, ad quintam nempe vel quartam aliquandò, in *Pectus* ascendit. Eodem tempore *Abdomen* quoque introrsum ac deorsum cogitur. Ab *Intercostalibus interioribus* porro, item *Triangulari*, *Sacro-lumbo*, ut & *Abdominis Musculis* (qui tamen non multum, si *Obliquum* descendentem exceperis, contribuunt ad *Pectoris* constrictionem) sine cunctatione se contrahentibus, *Pectus* atque *Costæ* deorsum ac introrsum moventur, angustantur & comprimuntur; *Spuriæ* vero *Costæ*, *Cartilagine* & *Sternum*, obscuro admodum motu, assurgere observantur, sicque *Pectus* ex parte *acuminatum* reddi cernitur.

§. VI. Eodem etiam temporis puncto, quo *Abdomen* in se cogit atque *Pectus* coarctari observatur, etiam *Pulmo* in se cogitur comprimiturque; nempe propter *aëris*, in *Pulmonum* cavernulis existentis, a compresso & constricto *Pectore*, eodem momento, *de loco motionem* atque *expulsionem*.

§. VII. In *aëris* itaque *Expiratione* *Pulmones* constringuntur, quia ob ascendens *Diaphragma*, & in se rediens *Abdomen*, atque constrictum *Pectus*, ex ipsis expellitur atque exprimitur *aër*: minime vero, quia vel antea coarctantur, vel in se redeunt: cum, in quantum *Thorax* deprimitur, vel a *Musculis* coarctatur, & e *Pectore* spiritus expellitur, in tantum etiam deprimantur atque constringantur *Pulmones*; qui semper (uti dictum) *aëris* in *Inspira-*

tione *ingressum*, & in Expiratione *egressum*, suo motu, continuò sequuntur.



C A P U T I I I.

Hæc aëris Reciprocatio oculariter demonstratur e Vivorum Sectionibus, aliisque experimentis.

§. I.

Supereft nunc, ut experimenta, e vivorum Animalium Sectionibus petita, in medium producamus: quibus *aërem* in omni Respirationis parte, non tantum a dilatato, verum & a constricto Pectore *propelli*, sicque *solo tantum pulsu moveri*, evincere nos posse speramus, imo confidimus.

§. II. Si itaque vivo Cani Aspera aperiatur Pulmonum Arteria, in eamque tubulus aliquis immittatur oblongus, verum ita inflexus, ut (postquam vinculo Arteriæ prædictæ arcetè prius alligatus, ac in vas aliquod angustum, aquâ plenum, postea cum Cane immisus fuerit) supra vasis margines altera tubuli pars emineat, Animalque sub aquis jam versans, ejusdem tubuli beneficio liberum, ac pro necessitate sufficientem, *aërem haurire* possit: notabimus tunc temporis 1°. In *Inspiratione*, propulsam a dilatato Pectore aquam ad vasis margines spiratim assurgere; sicque eodem etiam momento, a propulsa ac sursum mota aqua, (aëri in vase per aquæ superficiem expanso ubique contigua) aërem itidem propulsum; ac de loco motum, Pectus ingredi, Pulmonesque suo motu atque præsentia explicare; 2°. In *Expiratione* observabimus, expulsum a contracto Pectore e Pulmonibus aërem, e vestigio aëri per aquæ superficiem æqualiter expanso commixtum, aquam eodem momento æqualiter iterum deprimere; atque sic Pectus Pulmonesque ad naturalem sibi in contractione situm redire.

Hoc propositum experimentum eleganti spectaculo, præsertim si longiore tempore protrahatur, atque Canis quoque (modo non aperiatur

riatur inter tubulum *Asperamque Arteriam* aliqua rimula) diu permanceat in vivis; in *Inspiratione* æque, ac in *Expiratione*, aërem, ad aquarum exemplum, a dilatato constrictive *Pectore*, solo *pulsu* moveri, distincte & ad oculum demonstrat.

§. III. Verum quæ de aëris propulsione diximus, ex eo magis adhuc probantur, quod nunquam fiat *Pulmonum extensio*, etiam si *Abdomen propellatur*, *Costæ eleventur*, ac attollatur *Pectus*; quando in *Pulmones* nequit aër impelli, atque a *Musculis*, *Inspirationi* operam navantibus & se contrahentibus, ad ipsos appellari.

§. IV. Hæc autem in vivis Sectionibus apparent quam maxime. Etenim, quando five externe five interne planè stringitur atque clauditur *Aspera Arteria*, vel etiam in proposito experimento *tubulus* obturatur; vix ullam (etiam si tunc temporis *Thoracis* ad aliquod tempus fiat *extensio* & *constrictio*), propter aërem interceptum, *Pulmonum expansionem* vel *coarctationem*, immisso etiam in *Pectus* digito, observare vel percipere possumus.

§. V. Si *Pulmonum* unus alterve corruptus fuerit, eodem ferè modo res procedit. Nam etiam si tunc temporis plenariam observemus fieri *Thoracis expansionem*; tamen ad *Pectoris* motum haud expanduntur *Pulmones*; quos tamen, in omni *Thoracis* dilatatione & constrictione, *Pectoris* motum sequi Auctores pronunciant.

§. VI. Quemadmodum itaque in duobus primis experimentis, propter aërem interceptum, *Pulmones* attolli ac expandi nequibant: sic & in recensito exemplo, de corruptis *Pulmonibus* atque ad debitam *expansionem* ineptis, impulsus ac appulsus aër illos elevare impotens esse cernitur.

§. VII. Accedit, quod in vehementi *Respiratione*, quia celerissimus adest *Thoracis* motus, *Pulmones* nec sufficienter expandi, neque etiam constringi, in vivis Sectionibus observemus. Ob aërem nempe, *Inspiratione* a *Pectore* dilatato, eodem quidem temporis puncto, de loco motum atque propulsus, verum velocissimum tamen *Pectoris* motum (ob viarum angustias, per quas ad *Pulmones* propulsus aër e vestigio etiam accedere debebat) haud insequi valentem, idem contingit in *Expiratione*, ob eundem aërem ad *Pulmonum* aptam constrictiorem, quæ *Thoracis* se contrahentis ope fit, deficientem seu minus sufficientem.

Simili fere modo, e siphone aliquo, tenuissimum sibi annexum habente tubulum, omnem aërem in ipso contentum, in instanti quo-

que

que expellere atque removere possumus: verum, propter angustissimam cavitatem tubuli, per quam aër, e siphone primo expulsi, in ipsum iterum ingredi seu impelli necesse habet, tandem post longam temporis moram ipsum locum suum iterum occupasse, perque tubulum rursus impulsu ingressumve fuisse notavimus.

§. VIII. Nec obstat, si metuamus vacuum, ex dilatato Thorace, atque propter interceptum aërem, in *Pectore necessario hic oriturum*, sicque in dubium experimenta, §. 2. & 4. proposita, revocemus. Nam quod hic non detur vacuum sensu ipso judicare facillimum est. Etenim, *subtilissem aliquam materiam, ob nimiam suam subtilitatem, Pulmones appulsu suo minimè extendere valentem, statim per carnes in Pectus penetrare, atque concavitatem Thoracis dilatati, inter Pulmones atque Costas existentem, occupare, asserimus.*

Quapropter, ob egressam expulsumve dictam ex aëre ambiente materiam, ejus partem crassiorem densioremve in *Pectoris ambitu* magis suspensam herere & condensatam quasi esse, atque omnes ideo circumjectas corporis partes vehementius etiam premere, sicque vehementer satis ingressum sollicitare, certò concludimus.

Sic in Fœtu partui jam vicino, simili ferè modo, Pulmones in se coactos, atque Pectus dilatatum, absque ullo intus inter Pulmones atque Costas aëre crassiore, observamus.

Aërem porro externum, in eodem Fœtu, condensatum etiam esse, imo & impetu quodam ingressum tentare, sicque Pectus satis vehementer quoque premere, ex eo concludimus: *Quod, leviter tantum vulnificato, Fœtus Pectore, aërem externum condensatum, vehementer satis & cum sibilo atque strepitu, dictum factum, in Thoracem penetrare, notemus.*

Quod si quis rationem a nobis petat, atque etiam objiciat, adversus modo annotatum experimentum: cur aërem in ambitu Pectoris condensatum, atque vicinas ejus partes prementem, non potius per Asperam Arteriam Pectus ingredi, sicque simul Pulmones explicare observemus? Respondemus, *Illud in extincto aliquo, atque jam refrigerato Fœtu, propterea non contingere, quia tum ambiens aër ad hoc opus non satis condensatus est; tum præsertim, quia Musculi Respirationis per frigus externum rigidi contractique sunt.*

Porro, cur a Fœtu adhuc vivente, verum ad exclusionem necdum apto, & tamen Pectus ex parte dilatatum habente, Respiratione ordinario modo non procedat; judicamus illud a *copiosa aqua, concavi-*

cavitatem Thoracis, inter Costas atque Pulmones, tunc temporis adhuc occupante, tum præsertim a Musculorum Inspiratoriorum debilitate, dependere.

Verum quomodo jam Foetus satis robustus, ac in partu quoque naturali versans, *necessurio, imo nolens volens respirare debeat* (uti in partu Cæsareo, atque circa Bruta in vivis Sectionibus pluries fieri observatum est), inferius suo loco abunde explicabimus.

§. IX. Ut igitur redeamus ad experimenta, §. 2. & 4. proposita. Cum ab omnibus corporis partibus, *redeuntem Sanguinem* Cor intrare observemus; atque a *premente* etiam in ambitu corporis *aëre*, cum adhuc fortius impelli cernamus: *eundem quoque a subtiliore aeris parte* necessario vehementius adhuc agitari & rareferi, atque intus in Cor atque Pulmones impelli debere concludimus. Imo ob interceptam Respirationem atque *constricta Pulmonum vasa*, in ipsis Pulmonibus (post strangulationem semper rubicundioribus) *sandem sissi putamus*. Quo in casu, cum moretur Sanguis, neque ulterius propelli possit, mirum non est, Animalia vehementer tunc temporis *angi*, subitoque etiam nonnunquam *extingui*. Verum de hisce, ubi ad usum pervenerimus, plura.

§. X. Ex propositis experimentis patet solutio difficultatis, quæ plurimos hæctenus vexavit, *Quomodo scilicet per foramen in pariete factum, rimis omnibus arctè obturatis, & naribus etiam clausis, aërem ore per tubulum e vicino cubiculo ducere possimus*. Nam credimus, tunc temporis *contentum* in primo cubiculo aërem, Thoracis se dilatantis ope, *condensari*, id est, expelli ejus *partem subtiliorem*; in opposito autem cubiculo *contentum aërem*, per subtiliorem e primo (condensationis ope) *de loco motam materiam*, rarefieri, atque ipsum rarefactum inspirari.

§. XI. Idem namque videre est in *Tubulo* (circa quem Vesica vel Ingluvies alicujus pennati Animalis vinculo prius arctè ligata fuerit, quæque in *Phialam* aliquam postmodum immittitur, ibidemque tam fortiter, ut nihil prorsus aeris inter dictam ingluviem & phialam ad oculum remansisse observetur, inflatur), per quem, obturatis omnibus inter phialam & tubulum rimulis, *aërem* nihilominus ex ingluvie, per concavitatem phialæ expansā, inspiramus, *eumque rarefacimus*. Etenim tunc alter, Thoracem atque phialam *ambiens, aer* (ut in præcedente experimento etiam factum) *condensatur*. Neque tamē (ad quod præcipue attendendum in præfenti experimento) *al-*

B

lam

fig. 1.



lam in ingluvie concidentiam notabilem, ob
aëris inter vitrum & ingluviem conclusi
parcitatem, atque ad observabilem expan-
sionem minorem aptitudinem, animadver-
timus: verum (in eodem experimento)
quando aliquid aëris inter Phialam B, at-
que Ingluviem C, relinquitur, statim, post
peractam per Tubulum A Inspirationem,
aërisque (uti dictum) in phialæ ambitu
condensationem, sicque porro subtilioris ma-
teriæ ex ipso expulsionem, observabilem non
tantum, imo mirabilem in ingluvie concid-
entiam atque motum observabimus. Sic-
que expulsæ (ex condensato in ambitu pe-
ctoris atque phialæ aëre) subtilioris mate-

riæ stupendam vim, aërem tum in ingluvie ipsa (ut etiam statim fa-
ctum), tum porro inter ipsam atque phialam jam rarefcentis, imo &
suo motu suave mole Pulmones versus expellentis moventisque, ad
oculum notabimus.

C A P U T I V.

*Quo modo aër Pectus egrediatur & ingrediatur in vulne-
ribus Thoracis penetrantibus.*

§. I.

PORRO aërem pulsū moveri, imo absque aëre impulso Pulmones nun-
quam expandi, ex vulneribus gravioribus majoribusve Pectoris
tandem probamus. Nam in illis, etiamsi fauces patulæ sint, imo
commode propulsus aër Pectus Pulmonesque ingredi possit, tamen
non expanduntur, propter aëris, haud sufficientem non tantum, verum
etiam ob plane impossibilem, appulsū, Pulmones.

§. II.

§. II. Hoc enim in casu, multo commodius atque facilius, imo etiam necessario, per patulum vulnus, ad Pulmones constringendos potius, in Pectus aër propellitur, quam majori labore, vi & difficultate (præsertim cum fluida mota, qua data facilior via, semper ruant) ad Pulmones dilatandos seu elevandos, per Asperam Arteriam accedat.

§. III. Tamen, in hoc casu, si claudatur, aut alias obturetur, in fine Expirationis, vulnus, ita ut aër de loco propulsus, per Asperam tantum impelli possit Arteriam, statim asserimus idem futurum; atque de novo, debito modo, aërem, per ordinariam viam impulsum, Pulmones appulsu suo explicaturum extensurumque.

§. IV. Ex Pectoris vulneribus levioribus, ubi ex parte tantum Pulmones dilatatos Thoracis motum insequi observamus, proposita magis comprobantur. Quod ex eo pendere asserimus, quia a dilatato Pectore, e vestigio propulsus ad Inspirationem requisitus aër, per vulnus (ob ejus exiguitatem) tam citissime in Pectus impelli nequeat: sicque partim per Asperam Arteriam (a quo Pulmones ex parte etiam explicuntur), partim per ipsum quoque vulnus, aër in Thoracem moveri atque impelli debeat.

§. V. Quod adhuc clarius patet in Expiratione, ubi per vulnus, æque ac per os, spiritum cum sonitu atque murmure expelli observamus.

§. VI. Quod si etiam in hoc casu, in fine Expirationis vulnus claudatur, ut oris tantum ope subsequens perficiatur Inspiratio: in Expiratione rursus copiosorem non tantum observabimus per os expelli aërem, perque vulnus vix ullum; sed & motum Pulmonum quoque (immissio in Pectus antea digito) notabimus manifestiorem.

§. VII. E contrario autem, quando in fine Expirationis planè vinculo constringitur Aspera Arteria; maxima cum voluptate videbimus atque lustrabimus: Quo pacto tunc temporis, a dilatato iterum & constricto Pectore, aër reciproco motu, ad Pulmones constringendos potius quam elevandos, in Pectus per foramen a vulnere factum impellatur, atque ex ipso iterum expellatur. Quod experimentum, modo vulnus ulterius dilatetur (ut jam superius explicavimus), etiam absque constrictione Asperæ Arteriæ, necessario sic evenire observabimus.

§. VIII. Ex hisce jam propositis, sæpius atque attentè observatis, etiam, si modo in loco vulneris Aspera adesset ibique hiaret Arteria, audemus certò concludere atque affirmare, Pulmonum motum debito at-

que ordinario modo ibidem absolutum iri.

§. IX. Porro accidit aliquando, in Pectoris vulneribus, Pulmones eruptionem tentare: quod hoc pacto fieri arbitramur, quia nempe facilis aëri in Thorace contento datur exitus, quam aëri externo (ob aliquam membranam, aut simile quid, vulnus claudentem) introitus conceditur. Hoc enim in statu Pulmones ab aëre, per os moto, tantum elevari, quaquaversum per Thoracem expandi, atque sic quoque eruptionem sollicitare facillime posse, observamus ex eo, quod, remoto a vulnere obstaculo, ita ut per illud, a dilatato ac expanso Pectore de loco motus, propulsusve aër in Thoracem intrare, atque Pulmones sic comprimere valeat, hoc minime fieri comperiamus.

§. X. Sicut autem Pulmones non expanduntur dilatato tantum Pectore, verum primario ab aëre impulsio & appulsio: Sic etiam, ore, imo & faucibus remanentibus apertis, (propter contractionem Musculorum, atque aëris, etiam suo motu suave presentia Pulmones attolentis, propulsionem continuatam,) non subsidunt tamen Pulmones; nisi coarctetur iterum Pectus, atque ex Pulmonibus aër expellatur.

§. XI. Sic in vivis simul ac mortuis Canibus, quamdiu Costæ remanent sursum motæ, atque Thorax expansus, si tunc vulnus Pectori insigatur, confestim Pulmones cœuntes observabimus. Ob aërem nempe, ab explicato Pectore, vi aliqua, ad Pulmones elevandos sustinendoque, per Asperam Arteriam in Thoracem propulsus: deinde vero ab eodem Pectore adhuc dilatato, iterum expulsus, atque ipsos potius coarctantem, qui sic majori cum facilitate (quod jam sup. §. 2. hujus Cap. dictum) per inslitum in Pectore vulnus propelli seu ingredi potest, quam ut, per Asperam Arteriam motus, majori vi Pulmones explicare atque in extensione sustinere valeat.

§. XII. In assignato experimento, postquam per vulnus aër in Pectus impulsus fuit, & interiorem totam Thoracis adimplevit cavitatem, si vulnus iterum claudatur, minime tamen Animal respirare, atque suos Pulmones (ob aërem in Pectore presentem, atque eorum expansionem sua mole impediens) elevare poterit.

§. XIII. Quod si exactius observare desideremus experimentum, Pulmones e corpore exemptos phiale vitreæ alicui includere oportet. Ubi, modo rimulæ inter Pulmonum fistulam (tubulum æneum hunc in finem in ipsos immisum ac alligatum habentem) optimè clausæ fuerit, ne Hercules quidem, nisi una alterave iterum rimula aperta fuerit, (ob aëris resistentiam) Pulmones inflare, atque levissime tantum exten-

extensos per momentum conservare valebit.

Idem quoque experimentum cum ingluvie, per phialam expansa (ut Cap. III. §. 11. delineavimus), modo aer ex ea fuerit evacuat, facillimè institui potest.



C A P U T V.

Confectaria, quæ ex aeris Inspiratione & Expiratione deduci possunt.

§. I.

AD pleniorē intelligentiam Respirationis Pulmonumque Usus, silentio hic prætercundum non est, inter Pulmones atque Membranam Pleuræ, propter inæqualem & angulosam eorum conformationem, ubique concavitatem Thoracis haud exacte adimpleri, sed aliquid aeris perpetuo in Pleuræ cavitæte inveniri. Quod præterea ex bullulis, quæ ibidem observantur, atque nunquam, nisi ab aëre excitatæ fuerint, ullibi permanent, concludimus.

§. II. Hinc in ipsis Pulmonibus (quod præcipue notatu dignissimum est), cum nunquam, in vehementissimâ etiam Respiratione, plenarie contrahantur (ut inferius paullo clarius adhuc explicabimus), magna satis aeris copia necessario & semper invenitur, etiamsi in Inspiratione, sive etiam in Expiratione Animal exstingui contingat.

§. III. Unde etiam fit, propter aeris præsentiam, ut aquis impositi Pulmones nunquam fundum petant, postquam semel tantum Animal inspiraverit.

§. IV. Ex observatis liquet, aerem, a Thorace propelli, atque, per suum motum suamve præsentiam, Pulmones tantum in Inspiratione expandere; iterumque in Expiratione, propter ejus aeris egressum atque absentiam, collabi & constringi Pulmones: unde nunc solo pulsu, minime vero attractione aliqua, fugave vacui, seu motu quodam spontaneo (cum tales motus, nec in ipso corpore, nec etiam extra corpus, unquam dentur), moveri concludimus.

§. V. Quæ jam enumerata sunt experimenta, *ope follis e vitro confecti, ac Pulmones alicujus Animalis intra se continentis, extra corpus ad oculum demonstraturos curiosis aliquando, si DEUS volet, pollicemur.*

§. VI. Impræsentiarum nihilominus peculiari quodam nostro uno alterove invento, *nullam omnimodo inter attractionem & pulsionem differentiam esse; imo, decantatam & Chimericam illam vulgi attractionem aëris solo fieri pulsu, ostendemus; & hæc omnia Respirationi porro applicabimus.*



C A P U T VI.

Machinæ ex nostra inventione proponuntur & describuntur, quibus pulsu solo aërem moveri evincitur.

§. I.

F IANT igitur e vitro duo Vascula, quorum unum majus, ut in præfenti figura, alterum minus *f*, sed quorum utrumque in Ampullas Tubulosque iterum extensi inflexique sint; ita tamen, ut unico inter se brachio fortiori communicent ac uniantur. Primum itaque vas, aquæ in majori vase *M* contentæ impositum, præter Tubulum, quem in ejus summitate retortum atque in Ampullam *L* definentem, iterumque, versus *K*, in tenuissimum Tubulum extensum inflexumque, habere debet; duobus insuper in parte inferiore foraminibus instructum sit. Horum foraminum id, quod est inferius, immissum sibi habeat Tubulum æneum, *cera sigillari* valenter vasculo agglutinatum conjunctumve, atque in extremo cochleam formam habentem, ut tanto commodius Siphon *A*, clausus, ac e vitro quoque cum ænea cochlea (*arte ut supra*), confectus, eidem annecti spiratim possit. Foramen porro, quod superius est, brachium valentius *g* vasis secundi (ut ex apposita Figura patet) in se recipiat contineatque; atque *cera sigillari nigra* ita quoque uniantur claudanturque, notato in loco, hæc duo vasa, *ut aëri impofterum omnis denegetur transitus*: quod,

quod, etiamsi ex pluribus Ampullis eadem Machina conficiatur, vel etiam Tubuli aliqui de novo eidem Machinæ, *cere diste*



ope, adjungantur, similiter fieri debet. Explicatorum porro vasorum ventriculi seu Ampullæ f. D. I. L., (inter quos f. tamen reliquos triplo superare debet,) ad altitudinem in præsentî Figura designatam, ope dicti Siphonis, vel melius oris auxilio, impleantur aquâ coloratâ, quæ tamen non debet esse viscida, alias enim operatio inventi obscuraretur, & minus aptè succederet. Atque sic tandem notatæ hujus Machinæ pars inferior aquæ, in amplo vase M contentæ, imponatur.

§. II. Verum ne id, quod ad magnitudinem totius inventi spectat,


Etat, silentio prætereamus, sufficiat in genere indicasse; quod, quominus illud fuerit instrumentum, eo melius aptiusque sit futurum; e contrario tamen Tubulos C. H. K. quam longissimos tenuissimosque esse oportet: cujus causam in sequentibus inveniet Lector. Porro a me confectum Instrumentum, servata ubique, juxta datam superius delineationem, debita proportionem (exceptis, ut diximus, Tubulis, qui longissimi esse debent), vix quinquies superat depictam Figuram.

§. III. Hisce omnibus ita præparatis comparatisque, manu Siphon A propter quando aperitur, removeturque ex ipso contentus aer; e vestigio expulsus aerem per aquam, in majori vase M contentam, bullarum B sub forma penetrare, atque se aëri externo, Machinam ambientem, admiscere non tantum, imo & ipsum hac ratione quoque propellere, observabimus. Sicque porro eodem momento & motu continuato, per Tubulos K. H. C. impulsus, ac per illos, tenuioris instar fili, propulsus sectumve aerem, in Ampullis L. I. D. denuo (quia haud æqualiter contenta ibi aqua nec per omnes dimensiones movetur, verum per ipsam, acuti instar styli, ut ita dicam, penetrat) bullas excitare videbimus. Atque hoc modo, absque ulla interposita mora, ad Ampullam f. protrusum aerem (ibidemque, contrario modo ut statim, aëri per aquæ superficiem expanso ilico commixtum, sicque consequenter æquali quoque vi contentam aquam per omnes dimensiones moventem, & secus etiam, ut in vase M factum, propellentem) ex ipsa aquam, Fonticuli g. ad instar, eleganti certe spectaculo, expelli notabimus. Atque ita tantum aeris per Ampullam L. in primum vas; tantumque (sed pro rata tamen) per cæteras Ampullas I. D. secundi vasis, in ventriculum f. propelli, atque ex ipso iterum (ab eodem nempe in ipsum moto aëre) ad eandem quantitatem contentam aquam (per circulum, ad oculum ipsum notabilem,) expelli, cernemus; quantum aeris in apertione Siphonis ex ipso primo expelli propelli videmus.

§. IV. Si jam modo explicatum adhuc exactius observare desideremus experimentum, ante apertionem Siphonis A, claudantur duo Tubuli, nempe H. K., vel C. K.; nihil enim interest, modo e Siphone propulsus aer B per Tubulum H. vel C solum intrare valeat. Rursus, si Tubulus K. tantum apertus relinquatur, claudanturque vero Tubuli C. H., præter bullas, in Ampulla L. copiose excitatas, nihil observabimus.

§. V.

§. V. Sed ut clarius elegantiusque ab aëre solo propulso & appulso, (imo & a dilatato quoque ex parte,) illa fieri, quæ jam statim enarravimus, appareat, candelæ ardentis auxilio, hermetice sigillentur claudanturque (quod facillimè fit) omnes tres Tubuli K.H.C. Quo facto, quando lenta manu aperitur Siphon A, remorveturque ex eo contentus aër B; statim (ut antea quoque factum) expulsum ita aërem, sub forma Bullularum B, per aquam, in Vase M contentam, penetrare, atque se aëri, Machinam ambienti, admiscere non tan-



tum, verum & ipsum simul condensare, atque per consequens (secundum illa §. 8. Cap. III. proposita) subtiliorem materiam ex ipso, Machinam versus, expellere observabimus. Simul quoque, eodem momento,

C

mento, ob materiæ subtilioris expulsionem (Sipho enim lente aperitur), continuatam adduc, in Tubulis C. H. K. aërem conclusum rarefieri, atque tum per Ampullam L, sub figura bullarum, Siphonem versus propelli; tum porro per Ampullas D. I., eodem modo ac tempore rarefactum, atque in dictis Ampullis per contentam aquam, sub bullularum quoque forma, ad Ampullam f. motum aërem, ex ipsa, pro majori minorive sua rarefactione, Siphonem quoque versus, eandem aquam iterum expelli videbimus. Sicque tandem conclusum in nostra Machina aërem rarefactum, externum vero ambientem aërem condensatum esse, & ideo ubique ingressum sollicitare, atque circumjectas omnes Machinæ partes vehementer etiam premere, cernemus.

§. VI. Ut autem, quæ de aëris condensatione diximus, ad oculum etiam demonstremus, forcipis ope, successive rumpantur aperianturque iidem hermetice sigillati Tubuli C. H. K.: quo facto, expulsum antea e Siphone, atque ubique jam in Machinam ingressum iterum tentantem, aërem confestim, satis forti impetu per apertos iterum Tubulos, in Ampullas L. I. D. impulsus, bullas in iis excitare notabimus. Imo, eodem momento ac propulsione continuatâ, ad ventriculum seu Ampullam f. propulsus, aquam in eo contentam expellere, Fonticulumque g. hoc modo excitare, observabimus. Idem porro experimentum si elegantius quis contemplare desideret, unicus tantum aperiat tubulus. Atque ita (ad quod præ cæteris in annotato jam modo experimento attendendum) subtilem materiam, per sæpius propositum circulum, e Machina non tantum iterum expelli, & aëri reliquo, ut antea, equaliter commisceri, verum & tantum rursus aëris in Machinam iterum impelli, quantum e Siphone primo expulsum fuerat, notabimus.


§. VII. Si vero claudatur Sipho A, expellaturque ex ipso, non in liberum aërem, verum in Vas majus, contentus aër, statim, per Brachium fortius g. ad Ventriculum f. motus, aërem in ipso bullas excitare lustrabimus: verum ad Ampullas L. I. D., eodem tempore & continuato motu propulsus, ex ipsis contentas ilico aquas sub Fonticulorum specie C. H. K. expellere observabimus. Atque eodem tempore, expulsum ex dictis Ampullis in liberum aërem aquam iterum vicinam aërem propellere, huncque rursus, per superficiem aquæ, in Vase M. contentæ, equaliter expansum, ipsam aquam in Siphonem A. impellere, videbimus. Atque ita ultimo, tantum iterum aquæ, e majore Vase M. (per sæpius a nobis memoratum & ad oculum notabilem circulum), Siphonem

phonem versus moveri, eumque ingredi notabimus, quantum aeris atque aque in ejus constrictione de loco primo motum fuisse vidimus.

§. VIII. Quod experimentum, si maximum Vas, ad altitudinem Brachii g, aqua impleretur colorata, in Siphonis apertione æque eleganter, ac jam in ipsius constrictione, observabimus.

§. IX. Verum enim vero, cum unicuique non liceat tam facile jam propositum sibi comparare instrumentum, aliud minoris apparatus (quod æque potenter tamen, tum nullam dari attractionem &c. tum porro movendorum circulum, ad oculum quoque ostendit probatque) in eorum gratiam hic apponemus.

§. X. Inspicienda itaque præfens figura, in qua, præter Siphonem, unica adest Ampulla unusque Tubulus. Aperiaturs itaque (vel properanter vel lente, nihil enim interest) Siphon B, expellaturque ex eo aer E; sicque (ut in explicato jam invento fusius dictum) e vestigio, per Tubulum C, ad Ampullam A, propulsum aerem ibidem Bullas D excitare notabimus: atque ita porro ad eandem plane quantitatem, sub Bullarum forma D, aerem in Siphonem B iterum impelli observabimus, ad quam primo ipsum e Siphone expelli vidimus.



§. XI. Rursus, in eodem casu, si claudatur Siphon B, moveaturque ex ipso, Ampullam A versus, contentus aer, statim, dictum factum, Fonticulum C excitari notabimus; atque sic, absque ulla injecta mora, (a fonticulo nempe) vicinum seu ambientem, ab altera parte, in Siphonem iterum impelli cernemus aerem.

§. XII. Verum sub aquis idem si instituaturs experimentum, aeris loco æque facile aquam in Siphonem ab excitato fonticulo moveri, eumque subire videbimus.

§. XIII. Rursus, si invertatur idem instrumentum, expellaturque, aperiendo Siphonem B, aer E, confestim quoque, propulsum per Tubulum C aerem, ipsum totam massam aque A, ad eandem aeris antea expulsi quantitatem, Siphonem versus propellere, videbimus: neque por-

ro ulla (quandoquidem æqualiter aqua movetur) a ~~propulsione~~ aëre excitari bullas observabimus. Quod si iterum claudatur Siphon B, statim in Ampulla A (quia aër, acutioris instar styli, ipsam perforat) fieri videbimus.


§. XIV. Tandem, si hermetice sigilletur Tubulus C, aperiatur Siphon B, atque ex ipso in vicinum aërem protrudatur confestim contentus aër E, ambientem aërem condensando in se cogemus, contentum vero aërem, propter expulsam subtilem materiam, rarefaciemus. Atque ita e vestigio rarefactum expansumve aërem, e Tubulo C, sub Bullarum facie D, Siphonem B versus, moveri videbimus. Non rarefactum vero aërem instrumenti circumjectas partes vehementius ubique premere, sicque impetu ingressum tentare, ex eo notabimus; quod aperto tandem Tubulo C, ipsum maxima eodem momento cum vehementia (per notatum Tubulum) iterum impelli, atque contentam diversimode ab ipso (prout instrumentum vel invertitur vel non) aquam moveri, lustrabimus. Imo, quod elegantius est, aperiatur Tubulus C in aquis (non in libero aëre), atque tum loco aëris, e Siphone primo expulsi, tantam aquæ copiam ab ipso iterum impelli, & per eundem Tubulum ascendere, videbimus.

§. XV. Antequam sermonem, de aëris manifesto per circulum motu, finiamus, eumque ipsi Respirationi applicemus; placet unicuique adhuc proponere satis evidens, ut ex apposita hic figura liquet, experimentum: per quod, eodem plane modo, tum in aperture Siphonis, tum rursus in ipsius constrictione, aërem solo pulsu; sicque ab ipso aëre iterum simili plane modo aquam, pulsione evidenti, moveri, clare atque distincte demonstratur.

§. XVI. Quod ut præstemus tantò felicius, fabricam inventi præmittimus. E vitro igitur duo sibi invicem simillima conficiantur Vasa A & B, a Tubulis F. E. perforata, & in se mutuo aperta. Vasculum porro A, in parte superiore, Tubulum fortiolem majoremve retortum, ac ad recipiendum Siphonem g (secundum illa §. i. hujus Cap. superius proposita) arte adaptatum, habeat. Vasculum quoque B, jam explicato ubique simile, loco Tubuli fortioris, aperturam majusculam in summitate (quam etiam pro voluntate in Tubulum tenuissimum ac rectum, ampulla præditum, extendere possumus) possideat. Tandem; postquam sigillari cera arctè invicem unita fuere hæc duo Vasa, aqua impleantur colorata. De magnitudine idem sit judicium, quod allatum in §. 2. hujus Cap.

§. XVII.

§. XVII. His ita peractis, si fortè manu Siphon g aperiatur; protrudaturque ex ipso contentus aer H; eodem momento quoque, expulsum ita aërem videbimus tum per Tubulum F, tenuioris instar sili, ac ideo sub Bullarum forma D, in Ampullam A iterum impelli; tum porro, eundem aërem, æquali violentia, una cum ambiente, aquam in Vasculo B moventem prementemve, (atque ob angustias Tubuli F tam citissime sub bullarum specie per ipsum impelli nequeuntem) ipsam, Fonticuli ad instar K, Siphonem versas quoque propellere, notabimus. Vcrum lente si aperiatur Siphon g, propellaturque ex eo aer H, omnem tunc temporis e Siphone de loco motum aërem, per Tubulum F, sub Bullarum tantum facie D, (notabilem per circulum) in Siphonem g denuo impelli, observabimus.



§. XVIII. Rursus, quando clauditur Siphon g, propelliturque propteranter, Ampullam A versus, contentus in ipso aer, dictum factum, aërem per Tubulum E motum, in Ampulla B Bullas C excitare videbimus. aërem vero reliquum, aëri per superficiem aquae expansa commixtum, cumque ea æqualiter ipsam moventem propellentemque, sub Fonticuli specie I, (eodem etiã momento, quo aer excitat bullas) aquam foras expellere notabimus. Verum, si lente propellatur idem aer, (ut supra dictum) præter excitas bullulas in Ampulla B, nihil observabimus.

§. XIX. Hæc jam recitata experimenta ut unico verbo Respirationi quoque applicemus; loco Siphonum; in secunda, tertia atque quarta figura depictorum, Vasculis jungantur totidem Tubuli ænei oblongi, qui in Asperam alicujus Canis Arteriam successive immittantur, arctèque huic alligentur: quo peracto, in subsequenti Inspiratione aërem, non tantum a Diaphragmate se contrahente, altiora anterioraque Thoracis linquente, sedque Pectus, ob sui motum versus inferiora, ampliante, (unde etiã jure merito suctori in siphone comparatur) verum & a costis, e vestigio fursum ac extrorsum motis, eodem momento de

loco deturbatum, confestim (vascula modo satis valida sint) tum bullas excitare, tumque porro fonticulos constituere, observabimus. Rursus in Expiratione, cum simili plane modo, uti jam in Inspiratione dictum, in Diaphragmate, iterum in Pectus ad quartam Costam aliquando ascendente, atque a Thorace quoque eodem momento se constringente, aer moveatur, simul tum bullas tum fonticulos quoque excitabit. Præter hæc, nihil, ad applicationem explicationemque ulteriorem, (brevitati præsertim cum studere necesse habeamus) addendum putamus.

C A P U T VII.

Explicatur difficillima, de Contractione Musculorum atque Fibrarum musculosarum, Doctrina in genere: eaque in specie applicatur Musculis, Thoracem in Respiratione moventibus.

§. I.

MUltoties jam dictum est, in Respiratione, propter majorem minoremve Thoracis Dilatationem seu Constrictionem, celerius tardiusve moveri aerem; ideoque vehementius pacatiusve Inspirationem vel Expirationem terminari. Cum autem Respiratio in nobis alia sit Voluntaria, alia Spontanea, utraque tamen ab eadem naturali causa proficiscatur, videlicet Musculorum Contractione, quæ in spontanea maxime elucet; ceteri jam in causam, atque modum perpetuæ seu naturalis istius agitationis, atque motus indefessi Thoracis Pulmonumque, quæ nobis dormientibus, vel aliter animum non applicantibus, etiam continuatur, inquirere.

§. II. Quemadmodum itaque admirandum illum Cordis, Auricularumque ejus, continuatum motum, ab eorundem Fibris carneis, brevioribus redditis, sicque continuo se contrahentibus, dependere, Anniculus nobis Doctor Sienna non ita pridem demonstravit, sic & ex forma, situ, numero atque usu Respirationi inservientium Musculo-

sculorum, eorumque contractione diversa, alternata ac continuata, (ad quod Musculi magnitudine non tantum inter se, sed & ratione Ossium movendorum, plurimum differentes; imo & Pectoris cum Pulmone ter admiranda constructio; sicque tandem humorum contrariorum, Sanguini continenter admistorum, stimuli ad instar, in Pectus affluxus & confluxus, accedunt) infinitis fere modis, indefinenter tum alternatum, tum alteratum, hoc est, naturalem Pectoris Pulmonumque motum deducimus.

§. III. Quod ut breviter, sed paullo clarius, demonstramus, considerandum Primò: Omnes Musculos Fibrasque carnosas, in quacunque demum corporis parte sint; præsertim ob continuatam Spirituum animalium influxum seu appulsum, potius per Nervos, (nam Sanguinis in Musculos influxus seu impulsus, ligata in Thorace Arteria Magna, quando sistitur, ipsos, potissimum in calidioribus Animantibus, motu orbati quoque observamus; quod experimentum ab eodem nostro Amico aliquando institutum vidimus) etiam in somno, nobisque non attendentibus, copiosorem pauciorumve factum; in continuo motu, hoc est, in majori minorive Contractione versari.

Patet ex iis, quæ jam modo diximus, I. Cur inter vigilandum non tantum, verum & inter dormiendum, corporis certam determinatamque figuram atque situm retineamus? Nimirum, propter Musculorum certam, determinatam ac continuatam Contractionem: hinc neque ad pedes, (quod in ægris signum extremarum virium esse censetur) unquam fere provolvimur. II. Ratio reddi potest corporis, inter dormiendum, jactationis, ambulationis, imo & locutionis. Sic novi aliquos, qui hanc illamve corporis partem, etiam inter dormiendum, continuo, ac simili plane modo, ut inter vigilandum, movent: exempla quoque Noctambulonum apud Auctores ubique obvia sunt. III. Facile est explicatu, cur aliqui, ob dictam Musculorum contractionem, sedentes stantesve obdormiant. Quod posterius Pennatis præsertim ac Equis quibusdam accidit: quorum Animalium Musculos, ex eo solum in opere continuo versari; imo, etiamsi a voluntate determinentur, sicque naturaliter vel alias sponte (ut Intestinorum fibris accidit) moveantur & contrahantur; uno eodemque modo semper moveri & contrahi, sufficienter adstruitur. IV. Et ultimò, probantur ex eodem fundamento, statio, ambulatio, apprehensio, risus, sternutatio, spatatio, fistulatio, sustio, mictio, partus, flexio & extensio cum totius corporis tum artuum, frontis corrugatio, deglu-

deglutitio, morsus, actus Venereus, saltatio, testudinis vibratio, Respiratio, pulsus Cordis, motus Intestinatorum peristalticus &c. Nam hi motus, omnibus etiam temporibus, a Musculis Fibrisque; vel determinatis tantum a Musculis oppositis, vel in spontanea contractione continuo versantibus, perficiuntur.

S. IV. Considerandum Secundò: *Musculorum Fibrarumque motum, in illis Musculis. Fibrisque, qui Antagonistas pares obtinent; etiam si, ut ceteri omnes Musculi, equaliter contrahantur, atque æque fortiter moveantur; tamen, nisi de novo determinentur, vel ex casu ledantur, vix observabilem esse.* Quod in Musculis buccarum & maxillæ inferioris, bene se habentibus, præ cæteris eleganter patet: contrarium verò in iisdem, de novo determinatis, vel alias læsis aut abscessis, conspicitur. Nam quando inter buccarum Musculos unus vel alter alterum, contractione vel motu fortiore, vincit, (ut in eorundem vulneribus præsertim apparet). *Spasmus Cinicus* oritur, sique motus in iisdem Musculis manifestatur.

S. V. Considerandum Tertiò: *Musculos illos & Fibras, quibus Antagonistæ nulli sunt, observabiliter continuo (modo a contentis primò aperiantur; alias enim quiescunt, id est, ad sensum non moventur) moveri atque contrahi.* Hoc manifeste patet non tantum ex Sæpto transverso; oppositis Musculis destituto, atque ideo continuo se contrahente; sed præsertim in Sphincteribus, atque Intestinatorum Ventrìculi, Vesicæ &c. Fibris, quæ, ut & Sphincteres, non tantum continuo moventur & ad arbitrium contrahuntur, sed & a solis contentis (ut etiam Venis a Sanguine impulsio, Cordi ab effervescente, ipsi Musculis ab impulsu ac intruso iisdem Sanguine, ex parte accidit) iterum aperiantur. Diaphragma autem a contentis in Abdomine visceribus, ab aëre iterum expulso introrsum coactis, denuo relaxari statim musculo. Insuper, ubi oppositis Musculis Fibrisque Animantia destituuntur; ubi contractionem aliquam nobis naturalem, (aliis spontaneam dictam) ac per totam vitæ periodum continuatam, majorem minoremve, ab ipsis necessitas, ac semper moliri notamus. Quem etiam motum seu contractionem nobis dormientibus non tantum, sed etiam vigilantibus, obstandum præsertim Spirituum animalium, etiam in somno, influxum, Musculos Fibrasque, ad sui majorem minoremve contractionem incitantem, perpetuo, imò potentibus, (ut in spontanea ac invita alvi dejectione, ubi nempe intestinatorum Fibra contractione fortiore Sphincterem superant,

superant, notum) procedere arbitramur.

Porro quod attinet disgregatas in partibus Fibras, inter illas ac eas, quæ in uno Musculo congregatæ unitæque sunt, omnimoda est convenientia æqualitasque in contractione. Et nuper, ex Anatis vivæ Sectione, ab unitis non tantum, simili plane modo ut a dispersis fit, Fibris contractionem fieri observavimus; *veram & in omni Musculi Fibra, etiam a reliquo corpore Masculi separata,* (in dicti Pen-nati Respirationem dum inquireremus) quomodo ad oculum contractionem dictam quis observare possit, feliciter modum cruimus.

§. VI. Considerandum Quartò. *Musculos illos Fibrasque, quibus oppositi Musculi pauciores minoresve, vel etiam debiliores sunt, alternatim necessario nolentes volentes semper contrahi atque iterum dilatari.* Quod in Corde, ejusque Auriculis, ut & Respirationi dicatis Musculis (de buccarum vel aliarum etiam partium Musculis læsis, vel aliter determinatis, ut hic sileamus) locum præsertim habet.

In Corde autem, etiamsi motum ejus seu pulsus quodammodo alterare vel dirigere possimus, tamen, propter Fibrarum musculosarum maximam differentiam inæqualitatemque, (secus ac in Musculis Respirationis; quos, cum in illis non detur tanta inæqualitas, ac inspiratorii expiratorios in totum haud etiam superent, *magis ad voluntatem determinamus,*) semper contractioni operam navamus. Quodsi Auricularum Musculus, Cordi oppositus, major fortiorque esset, hoc minime fieri observaremus. *In Spasmo autem Cynico,* ubi unum vel plures buccarum Musculos læsos aliquando notamus, alternatam etiam contractionem, præsertim quando homo ridet, vel loquitur, ob Antagonistas, uti dictum, debilitatos, vel magis minusve etiam irritatos, observamus.



SECTIO SECUNDA.



C A P U T I.

Quo pacto fiat primus Pectoris motus, seu Respirationis inchoatio, in Fœtu.

§. I.

CUM a nullo hætenus, ut in Præfatione a nobis dictum, prima Respirationis in Fœtu inchoatio fuerit explicata, imo ne tentata quidem; operæ pretium duximus, in nobilissima, attamen ardua hac re, nonnihil operæ posuisse. Confidimus autem, negotium plane a nobis esse confectum, (de quo judicium Lectori relinquimus,) idque unicuique facillime appariturum, qui præcedentia experimenta attente consideraverit. Ut autem, quæcunque ad hanc materiam pertinent, plene cognoscantur, indicabimus methodum, qua usi sumus in primo Pectoris motu inveniendò; videlicet, considerabimus differentias, quæ intercedunt inter Thoracem atque Pulmones Fœtus & Hominis adulti, quas ordine sic proponimus.

§. II. Dum igitur Fœtus Thoracem aperiremus, *semper Pulmones plane contractos, sanguineoque præditos colore, & absque ullo intus aëre, invenimus.*

§. III. Sic neque ullum aërem inter ipsos & Costas unquam observare licuit. Quod ex hoc indicio concludebamus, quandoquidem, levissimo vulnere perusto intercostali spatio, aër externus cum magno impetu

impetu & vehementia intra Thoracem penetraverit, ut supra notatum S. I. Cap. III. §. 8.

§. IV. *Verum accurate inspicientibus semper apparuit humor serofus, aliquando paucus, aliquando copiosus, ac lotura carnum nonnunquam similis, qui una cum intercurrente subtiliore materia, spatium illud Pectoris vacuum (ut ita dicam), inter Pulmones atque Costas, occupabat. Fuisse autem a subtili materia, non autem vaporibus, repletum hoc spatium, probari potest ex eo, quod in subsequenti postmodum Inspiratione, momento temporis, hanc materiam expelli videamus, sic ut Pulmones potuerint se expandere per totam Thoracis capacitatem; quod vaporibus impossibile fuisset, qui tam citò de loco suo moveri haud potuissent.*

§. V. Sed, quod magis mirandum, cum, grandiore jam factò Fœtu, Costæ magis magisque a Pulmonibus recederent; humorem dictum sensim consumptum, & subtiliorem materiam auctam, atque sic concavitate Thoracis de die in diem extensam ampliataque fuisse, experti sumus.

§. VI. Cum itaque in Pectoris hoc spatio, præter Pulmones contractos, humoris paucillum, atque subtilioris materiæ uberem satis quantitatem, in Fœtu, jam in partu versante, nihil aliud unquam inveniat.

§. VII. Atque insuper Musculi Inspiratorii, continuo se contrahentes, & ideo majorem Pectoris dilatationem tentantes, Expiratoriis copiosiores fortioresque sint.

§. VIII. Præterea membrana, quæ simul cum Expiratoriis Thoracem antea coartabant, ruptæ sint, humoresque effluxerint, ideoque non amplius Thoracis dilatationi ulteriori, ab Inspiratoriis statim futura, obfrent.

§. IX. Imo cum subtilis etiam materia non facile, absque vehementi condensatione, seu aëris crassioris exclusione, ullibi, sic nec in Pectore, facile sola (ut jam S. I. Cap. III. §. 8. & Cap. VI. §. 6 & 14. ad oculum ostendimus) detineatur.

§. X. Atque aër condensatus externus, ob dilatatum & expansum Pectus, ingressum in ipsum vehementer quoque tentet; ut locis proxime citatis, tum in extincto Fœtu, tum in experimentis de aëre, demonstravimus sufficienter.

§. XI. Cum etiam ab humoribus, Sanguini admixtis, & ad ejus motum (ob continuam præsertim eorum unâ cum dicto Sanguine ef-

fervescentiam) perpetuum reddendum, continuo affluentibus, & sensim atque sine sensu acrioribus jam redditis, motum seu æstum vehementiorem in Pectore atque Corde concitari non tantum, verum & vehementius quoque Pectoris contenta omnia, sicque primario Nervos Diaphragmatis, atque i'a, per necessariam consequentiam, Respirationis Musculos omnes ad sui pleniorē contractionem irritari atque stimulari, observemus.

§ XII. Necessario, imo etiam nolentibus nobis, levissima contractione Musculorum Inspirationi inservientium [*se continuo contrahentium, & Expiratorios contractionē fortiore superantium, atque a Diaphragmate, opposito Musculo carente, seque ideo absque impedimento magis contrahente, Thoracem solum (instar suctoris in siphone) ampliant, Abdomen propellente, sicque Sanguinis motum in Pectus & Cor versus hac ratione promovente, aëremque tandem simul adducente, magis adhuc jam irritatorum atque ulterius in aëstem deductorum*], aër per Nares (quas stimulando Inspirationem vehementiorem adhuc reddere putamus, ut in sternutatione, ab aëre frigido profecta, patet) & Os *Aperimus Arteriam profundius cum impetu & vehementia in Pectus impellitur: atque sic, propter expulsam e Pectore subtilem materiam, Pulmones solo acris motu atque appulsu per totam Pectoris concavitatem plenarie ac quaquaversum expandi atque dilatari coguntur.*

§ XIII. Ubi vero cessant, seu a contractione fortiori abstinere nominati Musculi (quod quomodo fiat in Diaphragmate solo agente, atque a contractione vehemente cessante, præ cæteris videre est); tunc temporis Musculi, qui præsent Expirationi, atque (ut cæteri omnes Musculi) continuo se quoque contrahunt, Pectus atque Costas ad situm, Foetus, in Utero Matris adhuc hærenti, naturaliter magis, id est, compressum seu acuminatum, iterum reducunt. Verum quod dignissimum est observatu (atque jam S.I.Cap.v.§.2. monuimus) nunquam e Pulmonibus aërem in totum iterum expellunt.

§ XIV. Quemadmodum igitur in Foetu nondum nato, atque Thoracem adhuc coarctatum habente, ob intercurrentem subtilem materiam, nec Pectus nec Costæ Pulmones non tantum non comprimant, imo ne attingebant quidem; sic, post inceptam semel Respirationem, atque expulsam e Pectore subtilem materiam, Pulmones ab impulso aëre expansi, atque Costis Pectorive jam contigui, nunquam tamen in totum iterum comprimuntur, neque a Costis removen-

tur; imo & aer ex ipsis (cum eoque Pectus in se redire nequeat) unquam in totum remouetur, neque removeri etiam potest.

§. XV. Hisce bene consideratis, evidenter patebit, quomodo motus Pectoris primum incipiat; atque postmodum (ob Musculorum Respirationi inservientium alternatam continuatamque contractionem) necessario continetur: imo differentia inter Pectoris motum *Voluntarium* seu determinatum, atque *Naturalem* seu spontaneum necessariumve, sufficienter intelligi poterit.

C A P U T II.

Quomodo Respiratio augeatur & imminuatur, pro majori minorive Sanguinis Effervescentia in Corde.

§. I.

LIBET hic, praesertim cum de admiranda Pectoris cum Pulmonibus constructione & motu satis locuti simus, *Modum*, quo, juxta majorem minoremve Sanguinis expansionem seu dilatationem in Corde, augeri minui Respiratio possit, imo & necessario debeat, etiam proponere.

§. II. Considerandum itaque *Primo*, quod Sanguis, in Inspiratione (a Diaphragmate se contrahente, atque Abdominis viscera deorsum, intorsum, ac extrorsum cogente; ut & a Thorace sursum moto, aëremque simul cum Diaphragmate in corporis circumjectas partes atque Pulmones propellente & impellente), e *Venis* corporis, tam superioribus quam inferioribus, diversius ac copiosius solito, in Pectus atque Cor versus moveatur: ut observatum ab Amico nostro D. Padtbrugge in *Corollariis Thesum Inauguralium Lugd. Bat. habitarum anno 1662.*

§. III. *Secundo*, quod idem Sanguis, etiam in Expiratione, satis copiose continuo in Pectus propulsus, ibidem, pro sua copia atque diversa constitutione, (ob particularum suarum sibi mutuo contrariarum in Corde concursum, ac primario, ob subtilem materiam

ex aëre, in Thorace perpetuo præfente, propter Pectus oppletum, in Sanguinem expulsum, ulterius in actum ductarum atque vehementius motorum) *magis minusve expandatur*, sicque porro contractione Cordis, *altius fortiusque*, vel etiam *debilius*, in Pulmones, *Inspiratione* extensos, *Expiratione* autem contractos, impellatur, atque tandem *interiora Pectoris omnia fortius vel debilius irriteret, stimulet*, seu etiam *comprimat*: ut ex plurimis observationibus rationibusque probari potest.

§. IV. *Tertio*, quod *Diaphragma*, ob varios validosque *Nervos*, atque *continuum*, animalium præsertim, *Spirituum* in ipsum affluxum & appulsum, continuo se contrahens, præ cæteris aliis Inspirationi inservientibus Musculis, (quos dum se movet seu contrahit, ad sui quoque contractionem pleniorē excitare certo credimus,) tum e sursum agitat *Pulmonibus*, tum etiam a Sanguine, & ei admixtis humoribus eorumque motu. ac effervescentia, (ratione præsertim Nervorum ipsius, a Mediastino atque Pericardio stabilitorum, & magis minusve irritatorum motorumque,) ad sui majorem minoremve contractionem sollicitetur, ut ex sequenti patebit experimento. Nam cum levissime tantum irritantur vehemementur hi *Nervi*, contractionem in *Diaphragmate* vehementiorem statim excitari, notamus.

§. V. Tandem idem concludimus ex Sanguinis affluxu atque confluxu in Pectus atque Cor copiosiori vel pauciori. Nam prout is ex motu, æstu, gaudio, letitia, ira &c. fluidior ac calidior, vel ex mœre, metu, frigore, aliisque infinitis causis frigidior, viscidior ac tardior, sicque magis vel minus ad effervesendum aptus est: ita consequenter etiam fortius vel debilius Pectoris contenta, atque primario Respirationis *Nervi* irritantur atque stimulantur; & *Inspiratio* non tantum, imo etiam, ob necessarium consensum, *Exspiratio* variis infinitisque modis vel angitur vel minuitur.

§. VI. Cum tamen a subsequente *Expiratione* maximum semper seu præcipuum fructum percipiamus; atque in modo propositis experimentis, ob Pulmonum vasa, tum ab aëre inspirato dilatata, tum etiam a Sanguine, copiosius continuo ad Cor accedente, ibidemque effervescente, inque ipsos Pulmones impulsio, magis expansio, angatur adhuc, atque, propter inspiratum aërem frigidiorē, ex parte tantum sublevetur Anidial; *Expiratorii quoque Musculi* (postquam a contractione fortiori Inspiratorii, nempe ipsis copiosiores fortioresque cessant) *Pectus tandem, potentius se contrahendū, iterum coarctant*,

Etant, aërem & fuligines seu vapores inutiles e Pulmonibus expellunt, Sanguinem, refrigeratum elaboratumque magis, ad sinistrum Cordis Thalamum detrudunt, atque anxietatem in totum tollunt. Sicque, in Expiratione quoque, (ratione Sanguinis, explicato jam modo, in Thoracem atque Cor affluentis, ac Inspiratorios Musculos ad pleniorē debilioremve contractionem stimulantis incitantisque, imo & hac etiam occasione Expiratorios vel fortius vel debilius extendentis irritantisque) diversimode Pectoris motus augetur vel imminuitur.

C A P U T III.

Traductio Sanguinis per Pulmones cur & quando fiat?

§. I.

CUM in Animalibus, maxime calidioribus, *meatus vasorum Cordis, Fœtui peculiare*, per quos Sanguinem maxima sui parte, dum hæret in utero, trajici observamus, obliterentur & claudantur, ita, ut *per Pulmones tantum* moveri postmodum possit atque debeat Sanguis; non minimum certe, ad asserendam necessitatem continuatæ Respirationis, postquam semel eadem incepit, hæc nostra observatio faciet: *Quod scil. nisi dilatatum fuerit Pectus, atque ab aëre propulso appulsove expandantur Pulmones eorumque vasa, Sanguis in ac per eosdem haud moveri possit.* Simile experimentum, sed cum Aspera Arteria institutum, vide S. I. Cap. IV. §. 13.

§. II. Sic etiam, si quis tubulum aliquem in Arteriam Pulmonalem immittat, propter Pulmonum coarctata atque contorta vasa, *vix eos in libero jam aëre versantes inflare, aut liquore in ipsos immisso elevare, poterit.*

§. III. E contrario autem, quando *Inflati* atque ab aëre immisso *Elevati* fuerint Pulmones, maxima cum voluptate observamus tum temporis, liquorem aliquem non tantum, verum & statum, facillime & absque ulla remora, per ipsos transmitti posse.

C A P U T IV.

*Respiratio in Pennatis & aliis quibusdam Animalculis
quomodo fiat?*

§. I.

HACTENUS a Musculorum Respirationi ancillantium inæqualitate, atque a Diaphragmate, Antagonista carente, (ad quæ porro & alia illa, quæ jam enumeravimus, accedunt,) Thoracis motum perpetuum, alternatum, atque infinitis quoque modis mutatum, deduximus.

§. II. Sed quoniam in *Pennatis*, *Serpentibus* &c. Diaphragma consideratur; jure quærat aliquis, quo modo in iisdem Respiratio peragatur? Respondemus, quod in *Pennatis* ær *Vesiculas* aliquas, in Abdomine absconditas, intret, idque mediantibus Pulmonibus, quos tamen ob arctam connexionem haud expandi videmus. Quæ forsitan ratio est, cur in *Aquatilibus*, imo in aliis etiam *Avibus*, meatus in *Venis Arterisque*, etiam *Fœtui Humano* peculiare &c. haud claudantur, attamen in ipsis *totum Pectus*, secus ac in aliis *Animalibus*, a *validioribus Musculis*, eos, qui *Expirationi* ancillantur, longe *superantibus*, valide movetur, & sonum atque *stridorem* in *Costulis*, cum *Pectore* per peculiarem articulationem unitis, (nam *cartilagineæ non habent*,) in *vehementi Inspiratione* excitari notamus.

§. III. In *Serpentibus* vero plane alio modo, quam in *Pennatis*, Respiratio procedit; quia eorum Pulmones in *Vesiculam oblongam tenuissimamque* desinere, cum *Experientissimo ac Clarissimo Nosocomii Amstelædamensis Doctore*, nobisque *Amicissimo*, *D. Matheo Slado*, didicimus.

§. IV. In *Homine* autem satis *obscurè* Pectus movetur, quando *Cartilagineæ* ejus *ossæ evalerunt*, *Costæque rigide factæ* sunt: tum enim a *solo Diaphragmate*; sed cum difficultate tamen, *Respirationem* perhici putamus. A quibus induratis *Cartilaginibus*, cur *Senes* in *Respiratione* *segniore* observentur, causa inter alias reddi potest.

A O

§. V.

§. V. In vivis præterea sectionibus *Canum Cuniculorumque*, a *Diaphragmate solo* Respirationem absolutam fuisse, sæpius notavimus.

§. VI. Sic in *Rana* (quod Animal certe ob lucem, quam *Nervorum historiæ* pollicetur, optatissimum est) simile quid observavimus. Nam, resectis Musculis tum Abdominis tum Pectoris, imo denudato etiam Corde, *Respirationem* (si ita appellare liceat), Musculorum Oris ope (quod ipsi prægrande est), adhuc perfici experti sumus.

§. VII. In *Vespertilionibus* tandem, cum, præter Diaphragma, etiam Pulmones libere per Thoracem expandi observemus; sic & ab iisdem Respirationem, simili modo ut a nobis fit, perfici notamus.





SECTIO TERTIA.



CAPUT I.

*Quid contingat Sanguini, Cordis dextrum Ventriculum
ingresso.*

§. I.

UT ad Respirationis Pulmonumque Usum pressus accedamus, atque Inspirati Exspiratique aëris fructum ostendamus; in memoriam revocanda, quæ §. 9. Cap. 1. Sect. I. de Sanguinis expansione, ab effervescencia in Cordis dextro Thalamo ortum ducente, dicta sunt.

§. II. Hoc autem loco plenius oportet sermonem instituere, quid istius *Effervescencie* nomine apud nos veniat. Fateor autem, nos libenter hic amplecti, Clarissimi Viri Francisci de le Boë Sylvii, Praeceptoris plurimum venerandi, sententiam, expressam *Disput. Med. VII. Thes. 54 & 55*, ad cujus normam sequens nostra, paucis immutatis circumstantiis, sic describenda venit. Nimirum, *Effervescenciam* vocamus motum illum majorem calidum, minoremve frigidum, in *Auricula Cordis dextra*, dextroque ipsius *Ventriculo*, ex *Sanguinis* adscendentis atque descendents concursu, propter constuxum ejusdem particularum salinarum atque acidarum, agitatione contraria praesertim sibi mutuo oppositarum, ortum, atque artificiosæ effervescencie, ex *Sale lixivioso &c. & Spiritu quodam acido productæ*, non absimilem.

§. III.

§. III. Statuimus itaque cum laudato Viro, Sanguinem, *amarā Bile* imbutum, ad Cordis dextrum continuo ascendere Thalamum; sicque, propter suum *Salem lixiviosum* non tantum, verum *Et volatilem potissimum*, unā Oleo junctum, ibidem cum descendenti particulis acidis, *Lymphae praesertim*, effervescentiam sive motum illum Sanguinis in Corde (prout is humorum sibi admistorum ratione dispositus fuerit) majorem minoremve, ac per totum vitae curriculum notabilem, *excitare & continuare.*


§. IV. Quod vero per Ductum Hepaticum versus Cor ascendat, propter plurimas rationes alias, hic non commemorandas, tantò facilius nunc credimus: quia nuper, paucos ante dies, cum *Expertissimo Viro*, atque in *Anatomicis versatissimo*, D. Joanne van Horne, *Præceptore similiter plurimum venerando*, experimentum aliquod circa ejus generationem (quam in ipsa Fellis Vesicula esse putamus) feliciter instituimus.

§. V. Experimentum hoc, qualiter se habeat, in gratiam Lectorum hic communicabimus. Postquam Arteriam Hepaticam sensim denudaveramus, ipsam simul cum Vesicula Biliaria ab Hepate separavimus. Eadem postmodum inversâ simulque leviter inflatâ Vesiculâ, Tunicam ejus intimam *glandulosam*, atque multis *cavernulis columnisque* (ut ipsius Viri Clariss. verbis utar) præditam esse observavimus. Quo viso, Cysticam porro per Arteriam atramentum, siphonis auxilio, Folliculum versus injecimus. Sicque non quidem idem atramentum per tunicæ poros iterum exclusum (ut voluit aliqui), verum *Humorem aliquem flavo-lympidum*, atque *sapore subamarum*, (Folliculus autem antea linteo accuratè deterfus erat,) ab ipso in tunica superficiem inversam propelli vidimus. Hoc ipso quoque tempore infinitas Arteriolarum divaricationes, in interiori intima Vesiculæ tunica oculis observavimus. Neque hoc omittendum, nos, in separatione Vesiculæ ab Hepate, plures ab ejus fundo profectas Venulas, partim cum Cavæ Venæ, partim cum Portæ ramulis communicantes, offendisse.

§. VI. Descendentem porro Sanguinem perpetuo *Lympha subacida* refertam esse, cum eodem Clariss. Sylvio eo lubentius asserimus; quod jam anno 1664. 19 Junii, Salmurii in Gallia, (praesentibus variis Medicinæ Doctoribus Celeberrimis,) Tubulorum æneorum ac tenuissimorum ope, (sicque primo instatione, ac postmodum facta exsiccatione,) *Valvulas in Vasis Lymphaticis*, motum jam adsignatum *Lymphae*

ad oculum quoque confirmantes, observaverimus, figuris illustraverimus, atque Amicorum nostrorum curiosioribus, cum alibi, tum præsertim Amstelædami degentibus, communicaverimus. Quare & Doctiss. atque Expertiss. D. de Sartes, Doctor Parisiensis, Amicus noster, cum Anatomen subsequente hyeme ejusdem anni Parisiis administraret, eas, a nobis in Vasculis Lymphaticis præparatas atque exsiccatas, Valvulus Spectatorum oculis publice etiam subicere voluit. Quas figuras delineatas, unâ cum præparandi modo, postquam a nobis accepisset Clarissimus D. Blasius, in Athenæo Amstelædamensi Medicinæ Professor, easdem adjunxit Commentariis suis in Vesslingii Syntagma Anatomicum editis, prout videre est in Appendice Tab. xxiv. fig. 1. 2. 3. 4, & legere quavis potest p. 549. ejusd. columna prima.

fig. V



§. VII. Non gravabimur autem simul hic modum indicare, quo in Usum Anatomicum facilius inflari possint non tantum nominata Vasa, verum & alia, multò tenuiora angustioraque, inflatu manifestari. Fiant igitur Tubuli aliquot e vitro, alii aliis ampliores, ut C. E; alii iterum pilorum ad instar tenuissimi, ut D, quos felici cum successu adhibuimus. Præterea ipsos illos Tubulos, figillari cera, æneo Tubulo B agglutinauimus, atque postmodum Siphoni alicui, ope Cochleæ fæminæ A, spiratim adjunximus, quæ res magni secreti loco quibusdam habetur. A Vitariis quoque, eadem opera atque facilitate, Sæpe tenuissime diversorum colorum, atque in Anatomicis infinitum usum (ut experimur) habentes, confici possent, quod etiam hic communicamus libenter.

§. VIII. Propter illum itaque æstum seu motum (§. 2 & 3 hujus Capitis explicatum), a sibi invicem oppositis non tantum, & varie, imo contrarie inter se motis agitativæ Sanguinis particulis, sed & ob subtilera materiam præsertim, (seu aëris partem tenuissimam, per corporum poros, ut

ut §. 8. Cap. 111. Sect. I. demonstravimus, facillime penetrantem, atque ex ipso aëre in Pectore, ob hanc causam, ut credimus, semper præsentem, a Sanguine, e Corde continuo accedente, expulsam, seu alias compediis suis liberatam,) copiâ majori minorive, pro Sanguinis quantitate atque conditione, in ipsum continuò erumpentem & ingredientem, Sanguis vehementius vel pacatius agitur expanditurque; & majorem semper locum (nisi forsan in frigidissima, contra naturam in corpore producta, effervescentia, hoc est, in minori Sanguinis ejusque partium omnium motu) occupare necesse habet. Sicque porro, eadem etiam ratione, cum dicta materia sensim Sanguinis particulas a se mutuo sejungat, agitet, atque propellat; Pectoris etiam contenta omnia, vel fortius vel debilius, irritantur, stimulantur atque comprimuntur.

§. IX. Quod autem Sanguinis partes, inter se motæ, a dicta copiosius affluente materia ulterius adhuc agitari possint, aëris ab ipsa expansi atque rarefacti exemplo, §. 5 & 14. C. VI. Sect. I. proposito, probare possumus. *Verum si duo inter se jam effervescenti liquores, postmodum siphoni vitreo includantur, atque removeatur ex ipso aër crassior, denuo, ob impulsam subtilem materiam, jucundo spectaculo effervescentiam suam reiterare videtimus.* Cujus potius experimenti egregii exemplo, ea, quæ præcedente paragrapho a nobis proposita sunt, probari, simulque illustrari posse arbitramur.

§. X. Nunc porro Sanguinem, explicato modo expansum, atque a subili intercurrente materia rarefactum dilatatumve, sicque e Corde in Pulmones, Inspiratione dilatatos atque expansos, ut & eundem ex majoribus ejus vasis in minora tandem motum, prosequamur.

§. XI. Fortasse objiciat aliquis, cur Sanguinem dicamus altius atque profundius e majoribus Arteriis pulmonalibus in minores moveri, cum tamen Inspirationis tempore, ut e vivorum sectionibus patet, *Pulmones pallidiores observemus?* Cui responsum volumus, præterquam quod vix parenchyma habeat Pulmo, atque sanguinea Vasa Bronchiis pauciora in interioribus magis adsint; etiam Sanguis per Pulmonum vasa, Inspirationis tempore magis dilatata seu extensa, motus, propter aëris multò majorem copiam, vix appareat. Contrarium in Expiratione observamus, ubi propter Bronchia coarctata, aëremque ex ipsis pro maxima parte expulsum, Pulmones, ratione transparentium suorum Vasorum, rubicundiores esse notantur.

CAPUT II.

*Quid Sanguini accidat in Pulmonibus atque in sinistro
Cordis Ventriculo.*

§. I.

SANGUIS, explicato a nobis modo, una cum aëre in Pulmonibus dilatatus existens, facillime ab eo ventilari, refrigerari, atque ob subtilem, hic iterum e Sanguine egredientem, (seu ab alio e Corde in Pulmones moto Sanguine, expulsam potius, & in aërem denuo ingredientem, imo & ipsum simul inflammantem,) materiam condensari, in se cogi, atque tandem cum aëre misceri potest.

§. II. Quod præsertim eo facilius fieri posse concipimus, quia tunc temporis plurimi vapores calidi atque inutiles, una cum expulsa subtili materia, in aërem transeunt, atque illi admiscuntur. Ut patet præsertim in Expiratione; atque etiam ex vaporibus calidis, e Sanguine Animalium recenter mactatorum, ad coagulationem tendente, elevatis.

§. III. In ea, quæ postmodum succedit, Expiratione, Sanguis, uti dictum, per Pulmones motus, atque propter subtilis materie expulsionem, aërisque, sive puri, sive aliis infinitis modis alterati, admissi quæ, refrigeratus condensatusve; ex Arteriis pulmonalibus, in ac per Venas, sinistrum versus Cordis Ventriculum, porro propellitur. Imò, Thorace se ulterius coarctante, Pulmones exactius constringente, atque aërem quaquaversum premente & movente, & una cum fuliginibus seu vaporibus potius, ex ipsis Pulmonibus, eum Sanguinem expellente & propellente, intimius is cum dicto aëre copulatur.

§. IV. Quomodo autem aër Sanguini in Pulmonibus existenti admisceri possit, peculiari quodam experimento, in Cane instituto, curiosis aliquando ostendimus: quod in *Clar. D. Sylvii* Thesibus inveniri etiam potest, videl. in additamento ad Disput. VII. Th. 79. Sic in Leidenfi Nosocomio Academico, idem *Cl. D. Sylvius*, in
cada-

cadaveris Humani Corde non solum, sed & *Vasis* ejus *Coronariis*, plurimum *aëris*, me quoque præsentem, aliquando invenit.

§. V. Hinc ad sinistrum Cordis Ventriculum propulsus, explicatiffue modis alteratus ac elaboratus Sanguis, [nisi quod in trajectione sua per Pulmones, in suo motu seu effervescencia ulteriore, tum propter ejus divisionem seu potius distributionem per infinita Capillaria vasa, Bronchiis aëre frigido plenis intertexta, tum potissimum ob expulsam (ab una parte per impulsum aërem, ab altera per Sanguinem, absque ulla interruptione e Corde de novo accedentem) ex ipso subtilem materiam, particulas ejusdem Sanguinis salinas actidasque agitantem impediat,] de novo ibidem, tum propter easdem suas particulas agitata adhuc ex parte, atque in locum ampliozem ac simul calidiorem ardentioremque jam congestas recollectasve; tum primario ob subtilem hic de novo materiam, ex inchoato motu, copia majori, confestim affluentem (seu potius ex aëre continuo in Pectore præsentem, a Corde sensim dilatato expansam, per circulum expulsam), rursus incalescit seu rarefcit Sanguis: imo, ob dictæ materiæ agitationem seu præsentiam alias, majorem in molem expanditur extenditurque; ad cujus expulsionem Cor irritatum, id est extensum, incitatur ad contractionem sibi naturalem perficiendam.

§. VI. Ita tandem, ob admissum aërem, expulsosque vapores, atque præ cæteris propter reiteratum subtilioris materiæ affluxum, (ad quæ & alia, quæ enumeravimus, accedunt,) ad vitam conservandam, imo ad Cor ipsum atque Pulmones (ut inferius adhuc dicemus) conservandos & nutriendos, ultimam ac postremam Sanguis adipiscitur perfectionem.

§. VII. Ex modo propositis patet, Respirationem non tantum institutam fuisse, ut ab effervescencia concitatus Sanguinis motus seu æstus temperetur; sed præsertim, ut Sanguis ulterius alteretur, elaboretur, atque postremam & ultimam, in sinistro Cordis Ventriculo futuram; tandem perfectionem consequatur, idque gratia vitæ conservandæ: quod in sequentibus uberius adstruemus.

C A P U T III.

Utilitas Respirationis demonstratur.

§. I.

V E R E dixit Poëta:

Omne tulit punctum, qui miscuit utile dulci.

Unde non existimamus officio nostro nos satisfecisse, nisi & Utilitatem Respirationis ostendamus: in hoc enim conspirant ea, quæ superius a nobis scripta & proposita sunt. Oportet enim magnum lateat in Respiratione mysterium, quod eadem, ne momento quidem, postquam ex Uteri latebris eluctati sumus, carere possimus citra vitæ dispendium. Id etiam evidenter satis ostendunt Pisces, qui, licet careant Pulmonibus, analogum tamen quippiam habent Respirationi. Insecta vero, ob aërem crassiores redditum, hyberno tempore sensu atque motu notabili destituuntur, quorum uterque ipsis reddit tepore manus, ignis culinarii, ac Solis adventantis ad nostrum Hemisphærium. Porro, quis proprie usus sit Respirationis, dictum jam est supra C. 1. §. 8. Sect. I, nimirum eam ad vitæ conservationem facere; quod licet alii quoque statuerint, vera tamen causa ipsos latuit, quam nos dedimus loco citato, videlicet ab eadem dependere ultimam ac postremam Sanguinis in sinistro Cordis Ventriculo perfectionem. Nunc tempus jubet, ut hunc usum plenius adstruamus.

§. II. Adsignatus itaque a nobis Usus probatur *Primò, ex omni Motu seu Caliditate in Corde aueta*. Nam e vestigio Respirationem non solum in *magnitudine*, *velocitate* atque *frequentia*, ad reprimendum calorem, id est, expellendam subtilem materiam *adaugeri*; verum & *frigidiores aërem* insuper Animalia appetere notamus.

§. III. *Secundò*, idem ex *Febribus & Aëstuosis Morbis* non solum, verum & ex *ipso Aëre Inspirato*, plus minusve fervido, *Exercitiis vehementioribus, Animi perturbationibus violentioribus &c.* videre

dere est : in quibus omnibus casibus aërem, per nares atque patulum os, crebrius quoque & continuo inspirare cogimur.

- §. IV. *Tertio*, Respirationis Pulmonumque hic celeberrimus U-
sus ex eo ulterius adstruitur, quod, etiam si liberalius aërem inspiremus
in vehementi æstu, vel dum nimis diu in hypocaustis, aliisque locis ca-
lidioribus, moram trahimus, ab eodem tamen inspirato vix refocille-
mur; imo, ob aëris frigidioris defectum, quo nobis opus est ad Sangui-
nem, in Pulmones impulsus vehementerque agitatam, refrigerandum;
atque sic ulterius propellendum ac elaborandum, potius suffocationis pe-
riculum incurramus.

§. V. *Quarto*, ex Infusione in Venas Spirituum Salinorum volati-
lium & puriorum præsertim, Sanguinem nimium rarefacientium; atque
hac etiam ratione Respirationem non tantum impediens, verum &
Animalia etiam subito interficientium, (ut sæpius tentavimus,) Usus
a nobis allatum confirmamus.

§. VI. *Quinto*, ex Suffocatione, Strangulatione, vehementi atque
nimis crebra Respiratione, sicque etiam ex anxietatibus, ab uno alterove
Pulmone corrupto ortis, idem probatur. In quibus omnibus fere ca-
sibus Thorax dilatatur quidem, atque e Corde magis minusve in Pul-
mones impellitur Sanguis; verum ob aëris sufficientis, atque ad ejus
vasa dilatanda, extendenda ac sustinenda requisiti, defectum, haud
satis in ac per ipsos diffunditur. Hanc etiam ob causam, Sanguis in
Inspiratione e majoribus Pulmonum vasis ad angustiora ejus ac Capilla-
ria vasa, per varios gyros inflexa & contorta, (ut in vasis Meserai-
cis, quando, propter contractam & angustatam Intestinorum cavi-
tatem, tortuosa & crispata evadunt, eleganter videre est,) profundius
in Pulmonum substantiam propelli nequit, quam e contrario, dum ab
aëre inflata & extensa est (ut §. I. Cap. III. Sect. II. patet):
imo, ob aëris frigidioris defectum, nec sufficienter refrigerari nec alte-
rari potest, sed e diverso, ab intercurrente subtili materia vehementius
agitatur ac expanditur; unde fit, ut in Pectore Pulmonibusque tan-
dem, post summas excitationes angustias, plus minusve sistatur. Et, quod
majus est, propter Pulmonum magis minusve contracta Arteriosa va-
sa, nec ad Venas, simili modo angustatas constrictasque, nec ad fini-
strum Cordis Ventriculum, sufficienter in Expiratione propelli nequit.
Hinc mirum certe non est, Animalia subito ac inopinato sæpius exstingui.

§. VII. Idem adstruitur *Sexto*, atque ex opposito, ex omni in Cor-
de

F

de

de *ancta Sanguinis Refrigeratione, seu Metu diminuto.* Ubi, nulla etiam interposita mora, & secus plane ac in Sanguinis incendio factum, *minorem, rariorem & tardiorē* statim succedere videmus *Respirationem.*


§. VIII. Evincitur *Septimò, ex Morbis frigidioribus, maximo Gelu;* omni corporis *Refrigeratione, Metu;* ex *Hystericis, Apoplecticis &c.* in quibus, propter particularum Sanguinis ineptitudinem ad motum, in actum subtilis vix deducitur materia; neque aëre inspirato frigidior non ita opus est, cum vix etiam moveatur Sanguis. Unde etiam absque notabili aliqua *Respiratione, hystericis præsertim passionibus obnoxias Muterculas,* satis diu aliquando vixisse, ab Auctoribus Præcticis relatum est. In maxima autem gelu, corporisque summa refrigeratione, notamus, non tantum tardiorē rarioremve *Respirationem* fieri, ob inspiratum frigidissimum aërem; verum & sensim minorem reddi, atque tandem etiam torpescere omnino, quia insuper, ab aëre ambiente, subtilis materia e Sanguine, ejus partes perpetuo agitante, expellitur. Eandem quoque ob causam, & Venas, in ambitu corporis antea conspicuas, plane confringi, & propter expulsam laudatam subtilissimam e Sanguine materiam, *Respirationem* non tantum, verum & sensum, atque tandem (quia Sanguis non sufficienter, nec amplius, ad sinistrum Cordis Thalamum transmittitur) vitam quoque tolli videmus.

§. IX. Probatur *Ottavò, ex Iniectione in Venas Spirituum Acidorum,* motum Sanguinis nimium sistentium, eumque, (propter subitanam & copiosam subtilis materiæ expulsionem,) casei recentis adinstar plane condensantium; sicque contrario prorsus modo, atque in Sanguinis nimia rarefactione, *Respiratio, simulque vita,* ob ultimam Sanguinis perfectionem impeditam, aufertur.

§. X. Nond probatur, ex *Febribus frigidis, ab effervescencia Sanguinis minima, seu frigida alias, in Corde excitata, ortis,* &, præter *Respirationem minorem ac rariorem, frigus totius corporis* notabile per tempus aliquod etiam inducentibus: sicque hac ratione Sanguinis perfectionem ulterius impredientibus.

§. XI. Verum, de *Frigida effervescencia* (in qua subtilior materia particularum aëris, crassiorum præsertim, vehementissimo motu expellitur; secus ac in Calida, in qua adducitur ac aëri admiscetur) in transitu hic aliquid dicendum est necessario. Et proinde curiosis communicabimus Thermometram, ex nostra inventione fabricatam, (cujus Sphæra suprema A, modice in se incurvata & concava reddita, atque

atque ita ad commodè duos liquores inter se, effervescentes recipiendum adaptata sit,) in qua hæc effervescencia frigida ad oculum potest observari. Hoc ipso eodem invento, omnes præterea liquores acidi, vel etiam Spiritus volatiles urinosi; sicque Salia vel fixa vel volatilia quoque, metum inter se vel effervescentiam aliquam cum Spiritibus dictis acidis excitantia, commodissime examinari possunt. Præter jam explicatum modum, ad frigidam effervescentiam observandam, alium faciliorem nuper invenimus; quod inventum libenter quoque communicamus. Instrumenti autem delineationem Lector e Titulo hujus libelli sub Numero 109 petere poterit, cujus hæc sit descriptio. Sumatur Vasculum fictile porcellanicum, aut alterius generis, *a* notatum in figura; huic indatur Phiala *b* liquore cæruleo repleta ulque ad terminum in Tubulo *d*, quo factò, ex affusis in Vasculum liquoribus, inter se effervescentibus, atque Bullas *c* excitantibus, a dilatato vel etiam condensato aëre, in Phiala *b* Liquorem *d* in Tubulo vel adscendere vel descendere videbimus.



§. XII. In effervescencia Calida, non solum ob expansum ambientem, sed & contentum (a subtili statim affluente, seu e liquoribus effervescentibus, atque ad quietem jam tendentibus, expulsa potius materia) aërem, in Sphæra *a*, e vestigio liquorem *c*, inferiorem Ampullam *b* versus, moveri videbimus. In Frigida autem effervescencia contrarium fit. Nam propter contrariam agitationem, atque ob avolantem seu expulsum ex aëre ambiente, in Sphæra *a* contento non tantum, verum & primario e liquoribus vel etiam Salibus, simul ad coagulationem seu quietem jam properantibus, subtilissimam materiam; liquorem *c* versus supremam Sphæram *a* adscendere (quia aër ibidem condensatur) statim notabimus. Sicque, quo vehementius liquores, vel etiam Salia sicca cum acidis Spiritibus, in cavitate Sphære *a*, inter se mota atque effervescencia observamus; eo altius liquorem *c* ad Sphæram *a* assurgere, aëremque in dicta Sphæra condensari videbimus. Hanc porro Frigidam effervescenciam inter Salem Carduibenedicti, atque Oleum Sulphuris per campanam, aliquando excitatam observavimus. Verum, præ cæteris inter Salem Urinæ volatilem, & ejus Spiritum urinosum, atque Spiritum Vitrioli, cum Sale communi præparatum, dictam ef-

fervescentiam, summa cum admiratione, sæpius vidimus.

§. XIII. Tandem, beneficio propositæ Thermometræ, atque Instrumenti in titulo depicti, etiam gradum caloris seu temperiem Sanguinis, tam Animalium calidiorum quam frigidiorum, exacte examinari posse: atque ita ex ejusdem affusione in cavitatem Sphæræ *a*, vel in Vasculum in Titulo delineatum, conclusum aërem diversimode moveri, atque ab ipso moto iterum Liquorem *c* in Thermometra, vel *d* in Tubulo Phialæ *b* depictum, propelli, etiam indicare atque communicare volumus.

§. XIV. *Decimò*, ex Caloris in Corde plurimorum Animalium, Pulmone utentium, exacte observato incremento vel decremento; sed præsertim, quod ex majori minorive Sanguinis, in dictos Pulmones, ad ulteriorem in sinistro Cordis Ventriculo consequendam perfectionem, impulsu, alteratione ac elaboratione; *Respirationem augeri vel minui, imo, quod magis, continuari vel omnino aboleri cernamus, constanter idem concludimus.*

§. XV. Assignatus usus, *Undecimò*, clarior est ex eo, quod Animalia, quibus tantum unus Sinus Cordis est, præterquam quod & frigidiora sint, & Pulmonibus etiam careant; insuper Sanguinis temperatione atque ulteriore elaboratione, *Respirationis auxilio, minime indigeant; quod ex Piscibus præsertim, quibus Cor ad Branchias ideo collocatum putamus; atque ex Insectis quoque, Ranis, Vespertilionibus aliisque Animalibus plurimis, quæ, propter minorem motum omnium humorum, mensibus hybernis vix imo ne vix quidem se movent &c. aperte patet.*

C A P U T IV.

*Qualis data sit Respiratio Aquatilibus, Ranis,
& Cochleis.*

§. I.

POSSET adversus hæc assertiones objici, Animalia calidiora, Pulmonibus utentia, haud respirare aliquando. Quod non tantum multis Aquatilibus, dum sub aquis versantur, ad tempus aliquod commune est; verum & Fœtui, in Utero adhuc existenti, accidit. Sed, præterquam quod respirare (plurimas ob causas, §. 8. C. III. Sect. I. allatas) haud possit Fœtus; atque etiam Sanguis ejus, ob Bilem aliosque humores, saporem atque acrimoniam non habentes, vix effervescat, insuper duabus peculiaribus Cor ejus instructum est meatibus. Quam Cordis vasorumque ejus conformationem Aquatica per totum suæ vitæ curriculum servant.

§. II. Quod vero Animalia frigidiora concernit, quæ Vesculis potius quam Pulmonibus instructa sunt, atque Sanguinea vasa in eorum ambitu (secus ac aliorum Animalium Pulmonibus accidit) potissimum habent, imo & dextro Ventriculo etiam carent, ut sunt Ranae plurimaeque Insecta, in iis prædicti usus locum non habent: quia Vocis, Volatus, ac Natatus potissimum gratia, Vesculas nominatas in ipsis efformatas fuisse, fatendum est.

§. III. In Limace, seu Cochlea terrestri, quoque (Animal certe rarissimum, ac utriusque sexus particeps, id est, Penem Vulvamque habens, quæ in collo circumgestat!) peculiarem, si ita appellare liceat, Respirationem notavimus. Simulac enim e sua egreditur Concha, aërem confestim per foramen aliquod, in superiore parte sui corporis efformatum, intrare cernimus. Ubi postea iterum intra Concham corpus suum retrahit, aërem denovo, sub bullarum forma, eleganter expelli notamus. Atque sic corporis sui sola relaxatione, iterumque in se contractione, mirabilem ipsum Respirationis modum moliri observamus. Rursus, si in aquam injiciatur hoc Animalculum, simili prorsus modo, ut de

aëre modo dictum, aquam impelli in Concham, atque iterum, retracto corpore, per notabilem circulum expelli, comperimus. Hinc fit, ut retracto corpore, ob expulsum aërem, submergatur & fundum pe-
tat.

C A P U T V.

*Quantopere Sanguis per Pulmones circulatus Nutritioni
partium inserviat.*

§. I.

DENIQUE assignatam, sæpiusque explicatam, Respirationis Pulmonumque utilitatem confirmat Arteriæ Bronchialis, a D. Rayseb inventæ, existentia. Hæc enim probat, Sanguinem, in dextro tantum præparatum Ventriculo, Nutritioni Pulmonis inutilem non solum (nam Sanguinem etiam effundit hæc Arteria in Pulmonum substantiam atque tunicas, ut cum Clarissimo D. van Horne observavimus), imo & vitæ totius conservationi adversarium esse. Eadem ratio militat pro Sanguine, quo Cor alitur, per Coronariam Arteriam advecto. Nam quia ex Arteriis multo floridior Sanguis, præ illo qui in Venis est, extrahitur; ipsum Cor quoque, Sanguine in sinistro Cordis Ventriculo elaborato, perque Pulmones primum trajecto, atque in ipsis mutato, nutriri necesse est.

§. II. In Pectus vero, quia Sanguis, propter humorum omnium, ei admittorum, minorem acrimoniam, vix effervescit, ac ea ratione etiam refrigerio Pulmonum opus non habere videtur: tamen, cum pro parte aliqua per eos circuletur, atque sic etiam pauxillum a motu suo seu effervescencia alteriore deturbetur; & hac ratione e Pulmone finistrum versus Cordis Ventriculum iterum propulsus, cum Sanguine, e dextro Cordis Thalamo accedente, motum seu effervescenciam paullo majorem acquirat; proinde Pulmones etiam ad Sanguinis perfectionem ulteriorem aliquid conferre putamus. Etiam in vivis Sectionibus, in Arteriis Foetus, focus ac in ejus Venis, Sanguinem, propter alteriorem
sui

sui elaborationem, floridiorem quoque observamus.

§. III. Porro Sanguinem in Fœtu, in Utero Matris adhuc hærente, per Pulmones ex parte circulari, eo lubentius affirmamus: quia, præterquam quod in Venis & Arteriis Pulmonalibus Sanguinem copiosorem offendimus; etiam subtilem illam, in Thorace tunc temporis cum paulillo aquæ contentam, materiam facillime Sanguini, e dextro Cordis Ventriculo in Pulmones propulso, ac eosdem per Thoracem ex parte extendente, (ex plurimis cum ipsa materia ac argento vivo institutis experimentis,) cedere notamus.

§. IV. Hisce jam de Sanguinis per Pulmones circulatione, atque etiam ejus a sua effervescencia deturbatione, ut & de Pulmonibus, ab ipso per Thoracem extensis (unde forsân Pulmones ad recipiendum postmodum aërem commodius disponuntur), in Fœtu attente consideratis; plurimum ea, tum ad explicationem clariorem futurae Respirationis, tum porro ad Usus Pulmonum facilius percipiendum, conferre existimamus.

C A P U T VI.

Conclusio Operis.

§. I.

TANDEM, Divina auxiliante gratia, nostrum Fœtum seu Opusculum ad umbilicum feliciter perduximus; atque pro imbecillis ingenii modulo confidimus, ad solutionem scrupulosioris disquisitionis de Respiratione (ut Clarissimi Harvei verbis utar) viam nos planam atque facilem stravisse. Imprimis vero doctrinam de Rarefactione & Condensatione, juxta Nobilissimi & Subtilissimi D. Cartesii fundamenta firmissima & inconcussæ veritatis, variis adductis in medium experimentis, magis magisque confirmare conati sumus.

§. II. Verum enim vero, etiamsi plane nobis persuadeamus, Summi Archiatri favore, totum illud negotium de prima simulque ter admiranda, in Fœtu jam récenter excluso, Respirationis inchoatione
(in

(in qua explicanda nos primi glaciem fregimus, cum Auctores, præter Chimeras, nihil nobis obtruserint) a nobis expositum esse: unicum verbulum ad §. 8. Cap. III. Sect. I, clarioris intelligentiæ gratiâ, adhuc addemus. Cum itaque, citato loco, in extincto jam Fœtu, propter Musculos Respiratorios, per frigus externum rigidos contractosque redditis; atque porro in Fœtu vivente, verum ad exclusionem necdum maturo, ob aquam, Thoracis concavitatem occupantem, atque etiam Musculorum debilitatem, Pulmones ab aëre condensato externo, ingressum in Pectus vehementer satis tentante, haud expandi, neque Respirationem consequenter perfici posse adstruxerimus: *minime tamen volumus exclusos Laryngis Musculos, præ cæteris omnibus aliis remoris, quos, sua contractione, tum aquæ, dum Fætura in Utero adhuc hæret, tum porro aëri, in modo annotato casu, ingressum præcludere existimamus.* Cum autem, omni tempore aëris ingressum non tantum, verum & egressum pro lubitu (ut unusquisque facillime in se experiri potest), hi Musculi accelerare, retardare imo & plane præcidere possint; eos etiam primario ad hoc opus concurrere tacite subintelligimus. Quod si DEUS vitam & valetudinem nobis largiri dignatus fuerit, curiosius in hoc negotium, atque modum occlusionis Musculorum Laryngis in Fœtu, inquiremus.* Hæc sufficiant in præsens. DEO Creatori nostro sit laus, honor & gloria, qui nos ex nihilo, tam mirabili & nunquam satis perscrutanda structura, formavit.

F I N I S.

T O.

TOTIUS OPERIS SYLLABUS.

PRÆFATIO

** 3



SECTIO PRIMA.

CAPUT I.

Operis Occasio & Distributio.

Q Uæ sit principalissima Respirationis utilitas	§. 1
QUæ sit ejus Definitio	2
Usus aëris, diversimode moti & propulsi, multiplices ad	
Suctum	3
Odoratum	4
Coctionem Chyli	ibid.
Ejusque Distributionem	ibid.
Excretionem Superfluum	5
Loquelam	6
Vitam	7
Vita in quo consistat	8. 9 & 10
Aërem, in utraque parte Respirationis, solo pulsu moveri	11
Idque a solis Musculis Respiratoriis	12 & 13

G

C A.

CAPUT II.

Quid fiat in Thoracis Dilatatione & Constrictione, exponitur.

IN Inspiratione

<i>Diaphragma e fornicato planum fit</i>	§. 1
<i>Abdominis viscera deorsum propelluntur</i>	ibid.
<i>Sanguis copiosus versus Cor movetur</i>	ibid. & S. II. C. 11. §. 2
<i>Ceteri Inspiratorii Musculi Costas sursum attollunt</i>	1 & 2
<i>Pectoris Os cum Spuriis Costis descendit</i>	1
<i>Aër per Os & Nares impellitur, atque ab eo Pulmones expanduntur</i>	3

IN Expiratione

<i>Diaphragma fornicatum fit</i>	4
<i>Abdomen introrsum cogitur</i>	5
<i>Pectus ab Expiratoriis angustatur</i>	ibid.
<i>Pulmo in se cogitur</i>	6
<i>Aër expellitur</i>	7

CAPUT III.

Hæc Aëris Reciprocatio oculariter demonstratur e Vivorum Sectionibus aliisque Experimentis.

<i>Aërem solo pulsu moveri, probatur</i>	§. 1
<i>Experimento Tubuli in Canis viventis Asperam Arteriam immissi, qui postea totus aqua submergatur</i>	2
<i>Ex eo, quod Pulmones, etiam si Thorax distendatur, nequeant extendi, nisi aër in ipsos impellatur</i>	3 & 4
<i>Si unus Pulmonum fuerit corruptus</i>	5 & 6
<i>Quando nimis celer adest Respiratio</i>	7
<i>Quod</i>	

Quod Experimento illustratur	7
Ex eo tamen non sequitur vacuum in Pectore dari	8
Quia subtilior materia in dilatatum Pectus, eodem temporis momento, penetrat	ibid.
Quod probatur, quia Fœtus in Utero Matris, simili fere modo, Pulmones a Pectore remotos habet, absque ullo in dicta cavitate aëre crassiore	ibid.
Nam leviter vulnerato Fœtus Pectore cum impetu ingreditur	ibid.
Occurritur objectionibus	
Cur aër condensatus externus in Fœtu mortuo per Os non ingrediatur?	ibid.
Cur neque in Embryone vivente?	ibid.
Sed solum dum in partu versatur	ibid.
Quod clarius exponitur in Operis Conclusiones S.III.C.II.§.2	9
Cur Animalia nonnunquam subito extinguantur?	
Explicatur difficultas, quo modo aër e vicino cubiculo, omnibus rimis obstructis, duci possit	10
Et probatur exemplo Ingluviei Phiale arte incluse	11
E quo subtilis materiæ motus ac impulsio deducitur	ibid.

C A P U T IV.

Quomodo Aër Pectus ingreditur & egreditur in vulneribus Thoracis penetrantibus.

I S nimirum ingreditur in patulam vulnus	§. 1 & 2
Et Pulmones constringit	2. 7 & 11
Nisi vulnus obturetur	3
Aut fuerit exiguum	4
Aut quis ponat in loco vulneris Asperam Arteriam	5
Egreditur cum sonitu in levioribus vulneribus e Pectore aër	5. 6 & 7
Adeo ut eruptionem tentent Pulmones	9
Non egreditur tamen, nisi coarctetur Pectus	10
G 2	Quod

<i>Quod probatur experimento</i>	II
<i>Si vero, postquam aër Thoracis cavitatem implevit, obturetur vulnus, Animal Pulmones nequit elevare</i>	12
<i>Quod probatur experimento</i>	13

C A P U T V.

Confectaria quæ & qualia ex Aëris Inspiratione & Expiratione deduci possint.

<i>Hinc liquet, aliquid aëris perpetuo in Pectoris cavitate inveniri</i>	§. I
<i>Imo, quod præcipuum est, in ipsis quoque Pulmonibus post Expirationem</i>	2
<i>Quæ causa est, quod fundum non petant</i>	3
<i>Aërem solo pulsu, non autem fuga vacui, moveri, concluditur</i>	4. 5 & 6

C A P U T VI.

Machinæ ex nostra Inventione describuntur & proponuntur, quibus Pulsu solo Aërem moveri evincitur.

<i>Aërem pulsu moveri exemplo Machinæ cujusdam vitreæ adstruitur</i>	§. I
<i>Cujus descriptio & figura exhibetur</i>	ibid.
<i>Modus agendi exponitur</i>	2. 3 4 & 5
<i>Rarefactio aëris in Machina conclusi ostenditur ad oculum</i>	5
<i>Ut etiam Pressio aëris externi seu ambientis, qui cum impetu ingressum tentat</i>	6. 7 & 8
<i>Alia</i>	

<i>Alia minoris apparatus Machina depingitur</i>	9
<i>Modus utendi exhibetur</i>	10. 11. 12. 13 & 14
<i>Depingitur figura Instrumenti alterius</i>	15 & 16
<i>Modus utendi describitur</i>	17 & 18
<i>Eaque experimenta Respirationi applicantur</i>	19

C A P U T VII.

Explicatur difficillima de Contractione Musculorum atque Fibra-
rum Musculosarum doctrina in genere: eaque in specie applica-
tur Musculis Thoracem in Respiratione moventibus.

R <i>Espirationis Spontaneæ & Voluntariæ differentia</i>	§. 1 & S. II.
	C. 1. §. 15
<i>Utriusque causa est Musculorum contractio</i>	2
<i>Probatum continua hæc Musculorum contractio</i>	
1. <i>Ex certa figura, quam obtinemus, dum vigilamus non tan- tum, sed & dormimus</i>	3
2. <i>Ex motibus, quos inter dormiendum edimus</i>	ibid.
3. <i>Ex eo, quod Pennata stando dormiant</i>	ibid.
4. <i>Ex omnibus aliis quibuscunque motibus</i>	ibid.
<i>Musculi, qui Antagonistas pares habent, cur necessario continuo quie- scant, & quando moveantur observabiliter</i>	4
<i>Quomodo Musculi Antagonistis carentes continuo moveantur, & a quo dicti Musculi, cum oppositis careant, iterum aperian- tur</i>	5
<i>Musculi habentes oppositos Musculos debiliores vel minores, alter- natim, propter illam inæqualitatem, necessario contrahuntur atque dilatantur</i>	6
<i>Quod in Respiratoriis Musculis locum præsertim habet</i>	ibid.

S E C T I O S E C U N D A.

C A P U T I.

Quo pacto fiat Primus Pectoris Motus, seu Respirationis
Inchoatio, in Fœtu.

I N Fœtu semper contracti sunt Pulmones	§. 1 & 2
Absque ullo etiam aëre inter ipsos atque Costas	3
Sed repletum est Pectoris spatium humore seroso	4
Et a subtilissima materia	ibid.
Quæ sensim augetur, & humor minuitur	§ & 6
Musculi Inspiratorii continuo quoque pleniorē Pectoris dilatationem tentant	7
Hinc, cum Membranae, una cum Expiratoriis Thoracem coarctantes, in partu rumpantur	8
Atque subtilis etiam materia haud facile absque vehementi condensatione ullibi destineatur	9
Imo & aër externus, propter dilatatum Pectus, ingressum in ipsum sollicitet	10
Ac tandem Diaphragma, propter excitatam vehementiorem in Pectore effervescentiam, ad sui pleniorē contractionem primario incitetur	11
Necessario contracti Pulmones, ab aëre, a sursum moto Pectore cum impetu propulso, per Thoracis concavitatem quaquaversum expanduntur	12
In Expiratione subsequente, in totum dicti Pulmones nunquam iterum comprimuntur	13
Neque & Costis recedunt	14 & 15

CAPUT II.

Quomodo Respiratio augeatur & imminuatur, pro majori minori-
ve Sanguinis Effervescencia in Corde.

S anguis in Inspiratione copiosior solito, ac satis abundanter	
etiam in Expiratione, propulsus in Cor	§. I & 2
<i>Ibidem</i> , pro varia sua constitutione, magis minusve expanditur	3
Unde, ratione Nervorum, Diaphragmatis præsertim, magis	
minusve irritatorum, Diaphragma non tantum, verum	
ceteri etiam Respirationis Musculi magis minusve ad	
sui contractionem irritantur	4
Quod probatur Experimento	ibid.
Atque præsertim ex variis animi Pathematibus etiam	
feri posse concluditur	5
<i>Ab</i> Expiratione maximum semper fructum habemus	6
Nam Sanguis tum temporis liberatur a suis fuliginibus seu	
vaporibus	ibid.
Atque ad sinistrum Cordis Ventriculum, refrigeratus ac	
ulterius elaboratus, propellitur	ibid.

CAPUT III.

Transductio Sanguinis per Pulmones cur & quando fiat.

F it hæc transductio in Fœtu per meatus peculiares	§. I
Qui in adultis sensim clauduntur	ibid.
Unde, per expansos ab aëre inspirato Pulmones, postmodum tan-	
tum moveri debet ac potest Sanguis	ibid.
Quod probatur duobus Experimentis	2 & 3

C A

CAPUT IV.

Respiratio in Pennatis & aliis quibusdam Animalculis quomodo
fiat?

Respiratio in iis Animalibus, quæ Diaphragmate destituuntur, fit per Vesiculas, ex. gr. in Pennatis & Serpentinibus §. 1. 2 & 3
Sed a solo Diaphragmate fieri posse ostenditur e viva Sectione 4. 5 & 6
In Vespertilionibus eadem ratio quæ in Homine 7

SECTIO TERTIA.

CAPUT I.

Quid contingat Sanguini Cordis dextrum Ventrículum ingressio.

Sanguis, dextrum Ventrículum ingressus, ibidem effervesceat, id est, in maiorem molem extenditur §. 1
Quid Effervescentia fit 2
Ejusdem causæ 3. 8. 9 & 10
Bilis an cum Sanguine misceatur 4
Ejus generationis modus Experimento explicatur 5
Lympha an etiam accedat 6
Motus Lymphæ probatur ex Valvulis ibid.
Quarum existentia, & modus eas detegendi, ostenditur ibid. & 7
Solvitur difficultas, cur Pulmones in Inspiratione pallidiores observentur 11

C A



C A P U T II.

Quid Sanguini accidat in Pulmonibus atque in sinistro Cordis Ventriculo.

S anguis in Pulmonibus existens in iis refrigeratur, id est,	§ 1
in minorem molem cogitur	2
A vaporibus & fuliginibus liberatur in Expiratione	3
Condensatur ulterius	ibid. & 4
Et cum aëre intimius copulatur	5
Deinde in sinistrum Cordis Ventriculum propellitur	ibid.
Ubi rursus incalcescit & rarefcit	ibid. 6 & 7
Unde irritatum Cor se contrahit eumque expellit	



C A P U T III.

Utilitas Respirationis demonstratur.

P robatur hæc Utilitas	§ 1
1. Ex motu in Corde aucto	2
2. Ex febribus, animi perturbationibus &c.	3
3. Ex mora in hypocausto	4
4. Ex infusione in Venas Spirituum salinorum	5
5. Ex suffocatione & strangulatione	6
6. Ex Cordis motu diminuto	7
7. Ex morbis frigidis, passione Hysterica &c.	8
Unde fit, ut notabili tempore absque Respiratione manere possint	ibid.
Et tandem torpeant, atque intereant Homines	ibid.
8. Ex injectione in Venas Spirituum acidorum	9
9. Ex febribus, atque effervescencia frigida dicta	10
H	Que

<i>Quæ probatur ad oculum Experimentis</i>	11
<i>Differentia inter frigidam & calidam Effervescen-</i> <i>tiam proponitur</i>	12
<i>Quo modo gradus caloris Sanguinis exacte possit inda-</i> <i>gari</i>	13
10. <i>Ex caloris incremento & decremento</i>	14
11. <i>Ex iis, quæ in Animalibus frigidioribus atque Insectis</i> <i>fieri videmus</i>	15

C A P U T IV.

Qualis data sit Respiratio Aquatilibus, Ranis & Cochleis.

R <i>Edduntur rationes, propter quas Animantia calidiora, ali-</i> <i>quanto temporis spatio, citra Respirationem vivere possint</i>	§. 1
<i>Quid frigidioribus, utpote Ranis, accadat, exponitur</i>	2
<i>Quomodo in Limacis corpus aer ingrediatur & rursus egrediatur</i> <i>Imo & aqua, si eidem injiciatur</i>	3 ibid.

C A P U T V.

Quantopere Sanguis per Pulmones circulator Nutritioni partium
inserviat.

A <i>rteria Bronchialis confirmat necessitatem præparationis San-</i> <i>guinis, quæ fit in Pulmonibus</i>	§ 1
<i>Idem probat Arteria Coronaria in sinistro Cordis Ventriculo</i>	ibid.
<i>Ut & transitus Sanguinis per Pulmones Fœtus, licet parva</i> <i>fiat copia</i>	2. 3 & 4

C A-



C A P U T VI.

Conclusio Operis.

V*la nunc inventa ad solvendas difficultates circa Respirationem*
Nobiliss. Cartesii firmissima Doctrina, de Rarefactione & Con-
densatione, Experimentis in medium adductis confirmatur
Fœtus Respiratio impeditur primario ob Laryngis Musculos,
contractione sua rimulam arctantes, atque aquæ in Utero,
& aëri in libero aëre ingressum pro lubitu præcludentes

§. I

ibid.

2.

F I N I S.



H 2

P O:

POSITIONES INAUGURALES

*Pro adipiscendo Doctoratus in Medicina gradu publico
Examini propositæ in Acad. Lugd. Bat. a Joh. Swam-
merdam. Amstelæd. Bat. die 22. Febr. 1667.*

T H E S I S I.

A *Respiratione* plurimæ etiamsi profluant utilitates, atque proinde ab aëre propulso seu appulso, impulso, retento, atque tandem iterum foras expulso, incredibilem fructum colligamus & percipimus; maximum tamen in usum vitæ ex aëre, in *Respiratione* alternatim propulso, commodum capimus.

I I.

Ufus principalissimi respectu, *Respirationem* sic describimus: mirum, quod sit. *Motus Thoracis Pulmonumque*, quo, modo aër per *Nares*, *Os*, *Asperamque Arteriam*, in *Pulmones* impellitur; modo ex iisdem, ad ulterius *Sanguinem*, refrigeratione, vaporumque inutilium segregatione potissimum, elaborandum, sicque ad ultimam, in sinistro Cordis *Ventriculo* futuram, tandem perfectionem absolvendum, iterum ejicitur.

I I I.

Perfectionem ultimam *Respirationis* ope adipiscitur Sanguis; quando ab effervescencia, in dextro Cordis *Thalamo* oborta, rarefactus, perque *Pulmonum Arteriosa Vasa* motus, ab aëre inspirato, in *Bronchiis* existente, refrigeratur & cum illo miscetur. Sic vero separatus, ibidem a vaporibus inutilibus, ad *Pulmonum Venas*, atque porro ad sinistrum Cordis *Ventriculum* temperatior ac purior propellitur: qui Sanguis tandem in ardentiorum ac ampliorum illum locum propulsus, novæ dilatationis, ut & simul contractionis Cordis, seu pulsus, ope, ad vitam conservandam aptior, elaboratior, ac perfectior evadit.

I V.

Respirationis partes duæ sunt: *Inspiratio* atque *Exspiratio*.

V.

Inspiratio est ea pars *Respirationis*, qua *Thorax*, contractione Muscu-

Musculorum Inspirationi ancillantium dilatatus, aërem per Os & Nares in Asperæ Arteriæ Bronchia, solo pulsu, impellit, Sanguinemque, per Pulmones motum ac circumferentem, expulsionem ex ipso subtilis materiæ, ejus partes perpetuo agitantis, refrigerat atque condensat.

V I.

Expiratio est pars Respirationis, qua Thorax, contractione Musculorum Expirationi intervientium, in se coactus, aërem, ab expulsa e Sanguine subtili materia calefactum atque inflammatum, una cum vaporibus inutilibus, per Os atque Nares e Pulmonibus expellit; Sanguinemque simul, ulterius elaboratum, sinistram versus Cordis Ventriculum protrudit.

V I I.

Respiratio alia est Naturalis, alia Voluntaria.

V I I I.

Naturalis sive spontanea Respiratio illa est, quando, propter contractionem alternatam Musculorum Respirationi operam navantium, atque se mutuo contractionem fortiore perpetuo superantium, etiam citra nostram cogitationem, modo Pectus dilatatur, modo contrahitur.

I X.

Voluntaria Respiratio est illa, quæ ob naturalem contractionem Musculorum Respiratoriorum, propter eorum inæqualitatem necessario alternatam, pro voluntate determinatur atque dirigitur, sicque alternatim modo Inspiratorii, modo iterum Expiratorii pro arbitrio contrahuntur atque remittuntur.

X.

Prima Respiratio in Fœtu, à naturali, seu spontanea aliis dicta, Respiratione initium sumit.

X I.

Pulmones Fœtus in prima Respirationis inchoatione, ab aëre condensato externo, cum impetu ingressum in Pectus tentante, atque sua pressione subtilissimam e Thorace materiam momento expellente, primario per Thoracis concavitatem quaquaversum cum impetu expanduntur, atque Costis, eo ipso momento, perpetuo contigui redduntur.

X I I.

Respirationem, pro majori minorive Sanguinis motu seu effervescencia in Corde, augeri atque minui statuimus.

H 3

X I I I,

X I I I.

Diaphragma, ratione Nervorum fuorum, a Mediastino atque Pericardio stabilitorum, primario, cum a sursum agitatatis Pulmonibus, tum præsertim ab omni in Corde aucto vel diminuto motu, ad majorem minoremve sui contractionem irritari atque stimulari, ex eo certo concludimus; quia, cum levissime tantum moventur, vel quacunque de causa, igne, scalpello, stylo &c. irritantur hi Nervi, statim in ipso contractionem majorem minoremve (prout vehementius vel pacatius stimulantur) excitari notamus.

X I V.

Principalissimam a nobis propositam Respirationis Pulmonumque utilitatem confirmat, præ cæteris, Arteria Coronaria, qua Cor, Sanguine in sinistro ejus Ventriculo præparato atque per Pulmones primum trajecto, alitur.

X V.

Eadem ratio militat pro Sanguine, quo Hepar nutritur per Arteriam Hepaticam; atque tandem ipsi quoque Pulmones per nuperum Arteriz Bronchialis inventum; quæ Arteria ad parenchyma Pulmonis non tantum, verum etiam ad ipsius tunicas, ramificationes suas spargit.

C O R O L L A R I A.

I.

IN substantia Cerebri, Medulla Spinali, ac in Nervis; præter Capillaria, nulla alia dantur vasa grandiora.

I I.

Medulla Spinalis ac Nervi tot Arterias atque Venas pro rata parte accipiunt, quot ipsum habet Cerebrum.

I I I.

Sanguinis per Arterias in Medullam ac Nervos perpetuum influxum, seu appulsus potius, ad naturalem Musculorum contractionem plurimum conferre putamus, ex eo

I V.

I V.

Quod injectio seu appulso per Arterias in Medullam ac etiam ad ipsos Nervos aliquo liquore, confestim contractionem notabilem in Musculis produci notemus.

V.

Nervi in Musculorum contractione tortuosi atque crispati evadunt, in Musculorum vero extensione denovo explicantur.

V I.

Plexus Choroidea tantum ex Venulis constat, neque præter Sanguinem, e Cerebri substantia refluxum, aliquid continet.

V I I.

Hepar officinam sanguificationis secundariam statuimus.

V I I I.

Lactea constructione non differunt a Lymphaticis.

I X.

Nulle dantur in toto corpore Arteriarum cum Penis ad oculum observabiles anastomoses.

X.

Vene Sectio, in extremis artuum instituta, magis juvat illa, quæ in Brachio instituitur.

X I.

Sanguis nullibi in vasis quiescit.

X I I.

Nec etiam unquam in perpetua sua, per partes omnes corporis, circulatione extravasatur.

X I I I.

In vasis Capillaribus sanguiferis nullæ dantur Valvule.

X I V.

In vasis Capillaribus longe quietior movetur Sanguis, quam in grandioribus.

X V.

In minutissimis vasis Sanguinis motus vix observabilis est.

X V I.

Omne illud, quod a Sanguine per Capillaria vasa (quod perpetuo accidit) separatur, debilius ipso Sanguine movetur.

X V I I.

E Musculis omnem, per peculiarem circulationis modum, Sanguinem expellere possumus.

XVIII.

X V I I I.

Præter Nervos, Arterias, Venas & Lymphatica, nullæ fibrille in Lieno tam humano quam brutorum ostendi possunt.

X I X.

Absque ulla plane Respiratione, Inspiratorii Musculi modo contracti maneant, hysterice passionibus obnoxie Mulierculæ per aliquod tempus vivere possunt.

X X.

Negamus in Pulmonum vulneribus, inflatione per tubulum in Asperam Arteriam immissum, Pulmonum læsionem, in Thorace a vulnere pertuso, posse explorari.

X X I.

Absque aëre halitus, vapores, flatus, bullæ, ructus &c. nunquam in corpore excitantur.

X X I I.

*Insecta nullos in Oculis humores habent, neque, præter Corneam Reti-
cularem perpetuo atque Uveam Tunicam, ullam aliam possident.*

X X I I I.

*Uvea Tunica in Insectis non in fundo Oculi reperitur, sed contrario modo, ut aliis accidit Animalibus, per concavitatem Corneæ statim expanditur, atque per eam, amœnis coloribus fulgentem nulla-
que præditam apertione, transparet.*

Respirando consumor, & sic erit

F I N I S.

D. AL-

D. ALBERTI HALLER

MED. ANAT. BOT. & CHIR. IN ACAD. GEORG.

AUG. P. P. O. SOC. SCIENT. SUEC. SOD.

DE

DIAPHRAGMATIS

MUSCULIS

DISSERTATIO

ANATOMICA

ILLUSTRI SOCIETATI
NATURÆ
CURIOSORUM

HOC

JUSTÆ VENERATIONIS
DOCUMENTUM

D. D.

AUCTOR.

ADIMOTAKA

BIBLIOPOLÆ

SALUTEM

AUCTOR.

Quandoquidem Schediasma hoc de-
 nuo edendi consilium cepisti, optime
 WISHOFFI, e re Tua meaue fuit, ut
 quædam breviter monerem ex iis, quæ plu-
 rima ab eo tempore occurrerunt, quo pri-
 mum Sectionem Septi transversæ adgressus
 sum, ab anno nempe 1728, quo Basileæ
 Professoris munere defunctus iconem hanc
 paravi, quam Autographon nunc repetito
 edis. Adpendices nempe duplices adeo fre-
 quenter occurrerunt, ut vix unquam sim-
 plices esse existimem, haud leviter lætatus
 consensu Cel. ALBINI, qui non dupli-
 ces solum, sed & triplices & quadruplices,
 eas subinde adfuisse testatur. Fibrarum ve-
 ro tendinearum decursus adeo varius visus
 I 2 est,

est, ut haud certo sciam, num lex aliqua
fancita adsit. In functione musculari nihil
admodum muto. Venæ Cavæ ostium päu-
lo, quam par est, in icone positum esse hu-
milis, jam tunc monui. Tu vero vale &
res Tuas porro age feliciter. Gottingæ die
xvi. Jan. MDCCXXXVIII.



ALBERTI HALLER

DE

MUSCULIS DIAPHRAGMATIS

DISSERTATIO ANATOMICA.

§. I.

DIAPHRAGMA (*a*), SEPTUM
TRANSVERSUM (*b*), musculus
(*c*) est latus, tenuis, imum Thora-
cem

(*a*) Φέγνς HIPPOCRATI, qui ejusdem cum Hepate nexum notat *de Venis* §. 14. Διάφραγμα primum PLATONI in TIMÆO, διάζωμα ARISTOTELI *de Part. Animal.* Lib. III. Cap. X.

(*b*) Sic primus CÆLUS Lib. V. Cap. XXVI.

(*c*) Non multum rei Anatomicæ interest, num unus, num duo, num tres Musculi numerentur in Septo, rectè judicantè

L 3

Cow.

cem terminans, obliquo (*d*) fornice, ab anterioribus ad posteriora protensus, angulum internum efficiens cum Sterno obtusum, cum Spina Dorsi acutum. Altissima fornicis ea pars (*e*) est, quæ suprâ Venæ Cavæ transitum, mediâ

COWPERO *Myot* p. 106. Antiquitus, cum easdem partes ejus describerent ferè quas nos, pro simplici est habitus, & nostrâ memoriâ sic considerari maluit SCHELHAMMER in *Anal. Anat.* Primus HABICOTUS, (CASP. BAUH. *Theatr.* Lib. II. p. 195.) dein M. AUREL. SEVERINUS apud RIOLANUM *Anthrop.* Lib. III. Cap. IV. duplicem esse voluit, utrumque resellente RIOLANO. Magis hanc sententiam confirmavit CASPAR BARTHOLINUS l. *de Diaphr. Struct. Nov.* Triplicem verò fore musculum, si ejus appendices seorsim numerentur, rectè SANTORINUS *Observ. Anat.* Cap. XII. §. 8. observat, & DRAKE *Anthropol.* Lib. II. C. II.

(*d*) Utcunque hoc exprimunt figuræ VESALII Lib. II. Tab. VII. EUSTACHII Tab. XXIV. BIDLOI Tab. LII. Licet variam hanc convexitatem & altitudinem difficillimum sit tabulis imitari.

(*e*) Non ergo anteriùs est altissimum, sed ejus tendinea expansio omni carnè adhæsiōne altior in cadavere, quod primus notavit Cl. STENONIS l. c. Neque existimandum, idèò adscendere intrâ Thoracem Diaphragma, quòd ab aëre Abdomen replente intrâ vacuum nec resistens Pectus pellatur, Pertuso enim Thorace, & admissò aëre, manet altior expansio, licèt minor sit diversitas, & fibræ à Cartilagine ensiformi ortæ adscendunt perpetuò.

(*f*)

diæ aponeuroseos latus dextrum (f) efficit, expansio verò Tendinosa, non adpendicibus solum Lumbaribus, sed & ipsâ origine anteriori ex Costis & Cartilagine ensiformi, altior est. Superiùs Pleuræ, & Pericardio, inferiùs Peritonæo obducitur. Glandulis Renalibus, Lien, Renibus, Oesophago, Hepati, Ventriculo variè per membranas, adplicatu immediato, adhæret.

§. II. Diaphragma fornix sive conus est Elliptoides, cujus sectio ad Ellipsin adcedit, & in circumferentia positas habet fibras carneas, anteriorem verò expansionem tendineam. Pars peripheriæ anterior modicè exsecta (g) est, posteriori

(f) Pars enim hæc expansionis tendineæ magis sursum urgetur à mole Hepatis, rectè notantibus CANTIO *Impet. Anat.* ad T. IV. p. 16. MORGAGNO *Epist. Anat.* I. §. 13. WINSLOW *Anatomie du Corps Humain* Tom. II. §. 663. Quare ibi Thorax brevior, quod notandum in Chirurgicis. Vidi Thoracem ob Empyematis metum apertum in homine, cujus Pulmo post fata repertus est sanus, abscessu interim Diaphragma, & adhærentem partem Hepatis, depercente.

(g) Rectè hoc renovavit Cl. SANTORINUS *Obs. Anat.* Cap. VIII. §. 8. quia nempe fibræ à Cartilagine ensiformi ortæ breviores sunt reliquis, laterales longiores. Veteres omnes ferè exsectionem hanc notârunt, nimiam VIDUS VIDIVS *Anat.* L. IV. p. 201. T. XLIX. f. XIII. meliùs ferè VERSAIUS L. II. T. VII. fig. ad terram. Alii Septum etiam antro-

reriori implantantur Musculi à Vertebrais orti. Altitudo modica est unius uncie alteriusve. Sectionis diametri ad obliquos angulos se secant, brevior est, quæ retrorsum descendit, longior quæ latitudine corporis terminatur. Illa ferè pollicum sex, hæc septem cum dimidio, in mediocri statura.

§. III. Adnectitur verò Sterno, Costis à septima ad duodecimam omnibus, Vertebrae Dorsi ultimæ vel Lumborum primæ, dein secundæ & tertiæ, quandoque & quartæ. Atque primò oritur duobus carneis fasciculis (*b*), rectà sursum &

antrorsum prominens, ut CAROLUS STEPHANUS L. II. p. 241. fig. ad C. XXXVII. & recentiores quidam, vel rotundè coeans, ut VESLINGIUS *Syntagm.* T. IX. f. VI. VII. vel rescissum, ut HEISTER *Compend. Anat. edit. nuperior.* T. III. f. XIII. Omnes verò figuræ vel pleræque fiebant Diaphragmate corpore exempto, ut quæ solennis erat hujus musculi administratio, confer LYSER *Cult. Anat.* Lib. IV. C. IV. Undè orta STENONIS querela *de Musc. & Gland.* p. 8. nullam hucusque figuram Diaphragmatis produisse quæ perito satisfaceret.

(*b*) Linea pinguedinosa sejunctis. Horum mentionem primi injecerunt CARPUS in *Isagoge*, & GUINTERUS ANDERNACUS in *Instit. Anatom.* L. II. 47. qui rectè addit à superiori parte Cartilaginis ensiformis oriri. DOUGLAS eas descendere *Compar. Description of the Muscles* p. 84. WINSLOW *Anat.* §. 658. Tom. II. rectà retrorsum procedere

& ad posteriora tendentibus angustis, brevioribus, quàm sunt reliquæ fibræ carneæ, ab adpenticis Sterni facie posticâ. Indè spatia duo (*i*) relinquuntur fibris vacua, solis membranis Pleuræ & Peritonæi tecta, in cujus cellulosa substantia, aliquando pinguedo reperitur (*k*). Porro oritur fibris carneis à parte interiori hujusque margine inferiori, plurium costarum. Qui lacerti longiores retrorsum fursumque & introrsum arcuati procedunt (*l*). Est autem hæc adhæsiō in septima costa vera, ab extrema parte ossea, per duas tertias cartilaginis, in octava ex cartilagine, in nona, decima, undecima, ex portione osseæ partis & cartilagine (*m*); à duodecima

cedere vult. Mihi verum est quod jam STENONIS observavit: omnes nempe lineas, quæ à vertebrais ad costarum ambitum duci possunt, & dum tensum riget, & dum resolutum languet Diaphragma, incurvari, convexas esse in Thoracem, concavas ad Abdomen.

(*i*) WINSLOW Tom. II. §. 659. fig. nostr. inter G. & F.

(*k*) In qua nata steatomata visa sunt, difficilis respirationis causæ insuperabiles. VESLING. *Syntagm. Anat.* C. IX. KERKRING *Spicileg. Observ.* XC.

(*l*) Quare & in figura maximè abbreviati adparent.

(*m*) Vide hæc apud accuratissimum WINSLOW §. 659. 660. 661.

K

(n)

decima verò tota procedunt fibræ carneæ rectâ
adscendentes antrorsum (*n*), quæ & aliquâ sui
portione proximis vertebriis, lumborum primæ,
dorsique duodecimæ adhærent (*o*). Cum Trans-
verso, licet proximo, nonnisi membranâ inter-
cedente jungitur (*p*). Ad Psoam verò & Qua-
dra-

(*n*) Figurâ nostr. H. H. De hisce GALENUS *Admin. Anat.* Lib. V. Cap. III.

(*o*) DOUGLAS *Compar. Anat. of Muscles Appendix*, WINSLOW 661. Inter hanc adhæSIONem & costam duodecimam fornix est, quem format Diaphragma, pone quem Psoas & Quadratus adscendunt. DOUGLAS p. 64.

(*p*) Toto Seculo ante BARTHOLINUM hanc adhæSIONem descripsit VESALIUS *de Fabr. Corp. Hum.* Lib. II. C. XXXV. & post eum plerique Anatomici idem dogma conservârunt, ut VALVERDA *Anat.* L. II. C. XXII. p. 93. 94. C. BAUHINUS *Theatr.* L. II. p. 193. Imò hi omnes etiam cum Musculo secundo abdominis, nempe Obliquo minore concurrere voluerunt Septi fibras. Pro re nova ex Bove descripsit BARTHOLINUS *Diaphr. struct. nov.* p. 26. & partes laterales Diaphragmatis cum Transverso confluere, Septumque cum eo musculum. Trigasticum efficere existimavit. Veterum placita repetiit BIDLOUS ad T. XXVI. *Anat. Corp. Hum.* Res non liquebat COWPERO *Myot. Ref.* Cap. I. p. 28. Cl. verò SANTORINUS *Obs. Anat.* Cap. VIII. §. 9. ad partes laterales & posteriores utriusque laceratos communicantes enarrat. Mihi visum est, quod MORGAGNO *Advers. Anat.* V. §. II. & WINSLOW §. 657. hos Musculos nonnisi per membranam laxam costas operientem

dratum (*q*) lumborum sæpè fasciculos quosdam fibrarum emittit, ut in vicinis musculis ubique frequenter fit.

§. IV. *Adpendices, Musculi inferiores, minores* (*r*) Diaphragmatis, vulgò duæ sunt, frequenter quatuor. Quod enim primus observasse videtur DRELINCOURTIUS (*s*), & mihi visum est. Quatuor Crura ex vertebra lumborum oriebantur. *Exteriora* (*t*), nova, minora, quorum dextrum oriebatur duobus tendinibus à parte laterali corporis vertebræ lumborum tertiæ, & in ventrem factum antè Musculum Psoam incedens inferebatur fibris à costa duodecima ortis.

rientem coherere, quarum obpositis marginibus inferuntur. Hinc indè verò fibras communicantes dari, spontè concedit WINSLOW l. c.

(*q*) WINSLOW §. 662.

(*r*) Hæc enim nomina dederunt Anatomici. Maximè displicet illud Musculi inferioris minoris, cum duo adeò distincti sint.

(*s*) Simile enim aliquid describit *Epist. ad MANGET. in Biblioth. Anat.* Tom. I. p. 812. licet fortè de adhesionè tantum Musculi Psoæ & Quadrati ad proximam partem Septi loquatur, Et nescio an non & huc interpretanda, quæ Deo UGLAS habet *Compar. Myot. App.* Huc etiam referendæ appendices illæ HÆSTERI *Comp. Anat. ed. super. T. III. f. 13. lit. kk.*

(*t*) Figur. nostr. R. R.

tis. Sinistrum simile, sed minus breviusque, proveniebat duobus etiam tendinibus, à vertebra lumborum secunda. *Interiores Adpendices* (u) vulgares, majores, vertebrarum ferè corpori incumbunt lateraliter. Dextra perpetuò longior (x) est & crassior, oritur à summa parte corporis vertebræ lumborum tertiæ (y), aponeurosi primùm radiatâ tendineâ (z), deinde contractâ

(u) Antiquioribus Anatomicis depinguntur æquales, ut VESALIO l. c. nec vitium ferè correxerunt posteriores.

(x) Notavit hoc Cl. BARTHOLINUS *Struct. Diaphr.* Deinde, DRAKE *Anthropol.* L. II. C. II. WINSLOW §. 668. 669. SANTORINUS *Obs. Anat.* C. VIII. §. 8.

(y) In harum vertebrarum numero variatio est maxima. A quatuor vertebra lumborum DRELINCOURT *Ep. cit.* MARCHETTE *Anat.* (ibi redarguit RIOLANUM, qui ab ossè sacro oriri dixerit, quod falsum, nec in textu RIOLANI habetur). WINSLOW l. c. §. 668. A secunda, tertia & quarta, in latere dextro, secunda & tertia in sinistro, DOUGLAS *Myot. App.* si rectè ejus mentem capio. A prima, secunda, tertia lumborum, & in sinistro latere à decima & undecima dorſi, COWPER *Myot. Ref.* C. XIX. Ex duodecima dorſi, tribus superioribus lumborum, & in sinistro latere ex ultima dorſi & prima lumborum; DRAKE l. c. Vidi & a tertia & processu transverso secundæ ortum, & aliter varians crus hoc inferius.

(z) Sic ut alternè fasciculus fibrarum tendinearum & alius fibrarum carnearum se mutuò excipiant, & paulatim

omnis

(u)

tractâ in tendinem teretem, rectâ adscendentem, carneò ventre auctum, qui quibusdam quasi digitationibus inseritur deliquio posteriori expansionis tendineæ, ad sinistram & paulum infra foramen Venæ Cavæ. Sinistræ adpendicis eadem ratio: tendo unus vel & duo, breviores unâ vertebrâ quàm in latere dextro; insertio sub via Oesophagi, sinisteriùs.

§. V. *Tendinea expansio Diaphragmatis* (a), valida est aponeurosis ex concurrentibus undique fibris carneis orta; mediam eamdemque altissimam Septi sedem tenens; figura ad trifolium chartarum lusoriarum adcedente (b), cujus longè.

omnis caro in tendineas fibras adscendentes absumatur. fig. nostr. suprâ L. L.

(a) *Centrum nervosum, circulum nervosum* vulgò vocant, quæ voces & Septi universi, & mediæ expansionis figuram non exprimunt. Quòd tendineæ eæ fibræ ex carneis oriuntur, *Observationes LEEUWENHOEKII Transact. Phil.* Vol. XXXII. N. 379. p. 401. confirmant.

(b) Hinc Gallis *As de trefle* dicitur. Antiqui Anatomici figuram hanc satis aptè expresserunt, ut CAR. STEPHANUS *Dissert. Anat.* L. II. C. XXXVII. VESALIUS l. c. VALVERDA l. c. VIDUS VIDIUS l. c. qui in eo fere peccarunt, quòd anteriorem alam minorem pinxerint, quæ major est. VESLINGIUS verò *Synt. Anat.* T. IX. HEISTERUS T. III. *Comp. Anat. ed. nuper.* GARENGEOT

gè latior & amplior pars est, quæ medium locum tenet (*c*), modica excissione separata ab utraque ala, quarum dextra longior magis deorsum vergit (*d*). Pars media, ampla & obtusa circumscriptione versus cartilaginem Xiphoidem protuberat (*e*), & paulò majori suâ parte ad sinistrum vergit (*f*), indè plano ferè æquabili retrorsum descendit. Quà in Trifolio pedunculus divergentibus foliis implantatur, hîc inferuntur Musculi inferiores (*g*). Fibrarum directio valdè est varia, & exteriores quidem fasciculi à circumferentia ellipseos ad centrum conver-

Splanchnologie T. VII. fecerunt ferè æquales portiones, totique expansioni figuram trianguli æquilateri dederunt, cum angulus anterior sit potius obtusus, notante SANTOR. *Obs. Anat.* C. VIII. §. 7. BARTHOLINI filii figuræ monstrosæ sunt.

(*c*) Fig. nostr. ad M.

(*d*) GARENGEOT *Splanchnol.* p. 336.

(*e*) Fig. nostr. ad G. M.

(*f*) Non ita tamen, ut tres quartæ partes in sinistris locatæ sint, unica quarta in dextra, GARENGEOT l. c. Finis, ne a respiratione Cor nimis turbetur, subcussu alterno. Causa puto ipsa incumbentis Cordis pulsatio. Plurima enim exempla sunt Musculorum debiliorum, quorum pars a validiori compressa abit in tendinem; uti in Coracohyoideo, musculis Cruris pluribus.

(*g*) Circa I. P. Q. L. fig. nostr.

(*h*)

vergunt, sic ut aliæ rectà antrorsum adscendant (*b*), aliæ retrorsum (*i*), intermediæ introrsum arcuatæ (*k*) sint; media sedes expansionis tendinæ majori parte fit fibris adscendentibus antrorsum retrorsumque, aliisque priores ad rectos angulos secantibus (*l*). Illæ verò, quæ ad transitum Venæ Cavæ locantur (*m*), inclinantur varîe, sic ut aliæ extrorsum deorsumque, duobus fasciculis descendentes, ductu ex parallelo leniter convergente iter venæ intercipient, aliæ verò supernum & infernum angulum prætervehantur, & prioribus utrisque ad decussim misceantur.

(*b*) Quæ nempè nascuntur ex Musculis lumbaribus Septi. fig. nostr. I. I. & a costâ XII. N. K.

(*i*) Quæ ex appendice ensiformi fig. nostr. M.

(*k*) Quæ ex ambitu costarum prodeunt; quas autem CL. SANTORINUS dicit, per superiorem expansionis tendinæ partem, integras, nec cæteris mistas ab uno arcu costarum in obpositum ferri, eas videre mihi non contigit.

(*l*) Ad majorem firmitatem, ne inter agendum tenuis musculus solveretur in lacertos.

(*m*) Admirabile hoc Naturæ artificium primus descripsit SANTORIN. Cap. VIII. §. 8. & longè perfectiùs WINSLOW §. 671. Ex constricto enim Venæ Cavæ itinere, in inspiratione, maximum nasceretur periculum, stagnationis, varicium, deliquiorum animi, turbati circuli sanguinis. Conf. fig. nostr. N. O. N. P.

(*n*)

tur. Undè perpetua stabilitas hujus foraminis, in qualicunque Septi motu.

§. VI. Per Septum Transversum viæ patent variis vasis à superno corpore deorsum tendentibus. Duo sunt primaria foramina, quæ Oesophagum & Venam Cavam transmittunt. Hoc dexterius & superius (*n*), in ortu alæ tendineæ dextræ, figurâ est ex ellipsi inferiùs paulum angustiori, obliquè positum, ità ut diameter major dextrorsum descendat, minor sinistrorsum (*o*). Illud, sinisterius (*p*), in ea sede locatur, ubi carneæ fibræ musculi inferioris sinistri degenerant in tendineas (*q*), inminet Aortæ transiitui & mediæ ferè vertebræ dorfi undecimæ: figura est, quæ sit ab ellipsi; & duarum tangentium concursu, supernè arcuata, inferiùs acuminata (*r*): directio ferè perpendicularis. Hujus

(*n*) Sic magno consensu pingitur. Videatur SANTORINUS *Obs. Anat.* VIII. §. 7. In fig. nostra paululum erratum est, pictumque æquale ferè illi Oesophagi.

(*o*) Vulgò transversum aut perpendiculare. Vid. fig. nostr. P.

(*p*) Quàm illud Cavæ, sed ferè in medio corporis.

(*q*) Quare factum, ut veteres foramen hoc parti tendineæ adpinxerint, BARTHOLINUS, BIDLOUS, & recentiores carneæ. Utrumque verum est.

(*r*) SANTORIN. l. c. GALEN. *Administrat. Anat.* L. V. C. VIII.

(*s*)

jus portio inferior stringitur carne Musculorum inferiorum, ità se excipientium, ut fasciculus ex crure dextro in sinistrum, aliisque à sinistro in dextrum adscendat (s), quibus medius intercipitur Oesophagus. Quare in vomitu quiescit Diaphragma (t); & dum inspirando Ventriculum evacuat, cibos deorsum propellit, non fursum, constricto ostio superiori Ventriculi ab agentis Diaphragmatis Musculis (u).

§. VII. Pone Pleuram pone Diaphragma, ante corpus vertebrarum, sub foramine Oesophaga-

(s) Primus hanc structuram descripsit BARTHOLINUS, depinxitque rudissimè T. III. fig. I. Post eum COWPER *Myot. ref.* Cap. XIX. SANTORINUS l. c. WINSLOW §. 666. 667. hujusque simia GARENGEOT *Splanchnol.* T. VII. Undè deglutitio abolita, in inflammatione Diaphragmatis HEISTER *Diff. in Comm. Liter. Norimb.* sem. I. p. 207. 208. & in Hysteriis spasmodicè adfectis, frequens.

(t) Voluit Cl. CHIRAC vomitum Diaphragmatis actionibus adnumerare. Quod repugnat, agens enim claudit Ventriculum. Rectè ergo dubitarunt de nova opinione Academici Galli *Hist. de l'Acad.* 1700. Cùm imprimis demonstrent experimenta Wepferiana, vomitum etiam resecto Septo, solo motu peristaltico Ventriculi peragi posse, *de Cicnt. aquat.* p. 221.

(u) Quare Diaphragma est Sphincter superior Ventriculi; uti rectissimè BARTHOLINUS *de struct. Diaphr.* C. III. Sect. II. p. 58. & BOERHAAVE *Inst. Med.* 75.

L

(x)

phagi; inter Musculos inferiores Septi, descendit Arteria Aorta (x), hancque comitans Vena Azygos, Ductusque Chylifer (y), illa dexterior, hic medius. Cum Aorta aliquando, aliàs utrinque magis ad latus, ante Psoam Musculum inter costam duodecimam & vertebrae pergit Nervus Intercoastalis (z); & per ipsos Musculos

(x) Ejus transitum rudiores quidam Anatomici pro foramine habuerunt, ut CAR. STEPHANUS &c. Malè verò COLUMBUS *de Re Anat.* L. V. C. XXI. p. 141. ejusdem erroris postulavit VESALIUM, qui viam dixit, non foramen. Inter ipsos adhuc Musculos Diaphragmatis, Arteriae Coeliaca, Mesenterica, Emulgentes, Phrenicae oriuntur. Conf. fig. nostr.

(y) Ad dextrum Aortae latus haud procul à corporum vertebrarum anticà facie, pone appendicem Septi dextram, latet in pinguedinis globo Chyli vesicula, si aliqua adsit, non ad sinistrum Renem, uti se habuit in cadavere, undè figuratus fuit SALZMAN. Non ergò dextrum in corpore vertebrarum locum usurpat Vena Azygos, ut cedat Ductui Chylifero, quod visum est Cl. LANCISIO. *Morg. Advers. V.* Potius ne arcum faciens, per quem Cavam adit, pone Aortam procederet; eadem ratione, quæ in ortu Venæ Spermaticæ sinistrae observatur.

(z) Nervi nihil constans in suo decursu habent. Vidi Intercoastalem cum Aorta progressum, supra Coeliacam Ganglion semilunare duplex fuisse. Vidi, & truncum ad Diaphragma nullum fuisse, aliamque partem in Nervum Splanchnicum degenerasse, qui longis ramis, ex inferioribus Nervorum dorsali-
salium

los inferiores, horumque secedentes fibras carneas, Nervus, qui semilunare Ganglion Vieussenii efficit. Par verò vagum Oesophago adhæret.

S. VIII. *Usus & Actio* Diaphragmatis, adeò variè adsignantur à Scriptoribus, ut mirum videri possit, de re præcipua, & quæ oculis possit judicari, adeò varias etiam doctissimorum sententias fuisse. Namque alii obscurum vel nullum ei tribuunt officium, ut PLATO (a), ARISTOTELES (b), *Auctor Animadversionum in Thrustonum de Respiratione* (c), MOLINET-
TUS

salium adceptis, distinguitur, alium verò ramum Ganglion singulare ad decimam costam formasse, & longè exterius ponere Diaphragma penetrasse. Nunquam verò Nervi Peritonæum perforant, sed inter ejus duplices laminas ad Mesenterium, Hepar, Viscera pergunt. *Conf.* EUSTACH. T. XIX. DOUGL. l. c. p. 84. WINSLOW §. 662. MORGAGN. *Advers.* V. §. 11. Rarius est, quod idem observat MORGAGNUS *Epist. Anat.* §. 26. Venas Hepaticas propriis truncis Diaphragma perforasse, & superius demùm Cavæ admistas esse.

(a) PLATO in *Timeo* p. m. 727. partem iracundam animæ, separare à Vegetante.

(b) ARISTOTELES de *Part. Animal.* L. III. C. X. p. 1164. dissipare partem sentientem ab inferioribus, & impedire, ne illam vapores à cibis adscendentes turbent.

(c) Essè nempè tantùm Septum distinguens. Addit rationes,
L 2

TUS (*d*). Alii agere quidem vi muscolari, sed Expirationem producere, constringendo imum Thoracem, ut ARANTIUS (*e*), COLUMBUS (*f*), CASPAR BAUHINUS (*g*), DIEMERBROEKIUS (*h*), CASPAR

tiones, quòd à circumferentia ad centrum contractum debeat costas propiores efficere, Thoracem arctare; quòd vulneribus Diaphragmatis multi diù superfuerint; de illo dispicietur alibi. Vulneribus ingentibus Diaphragmatis diù supervictum est, SENNERTUS *Prax. Med.* IV. C. III. p. 366. ex observatione soceri exemplum habet Studiosi, septem mensibus à vulnere demùm elapsis mortui, resecti, cui Ventriculus in Thoracem adscenderat. Similis observatio GUILLEMEI, apud PAREUM, in milite, cui Colon Thoracem subiit, & in cane, Cl. LITTRII *Hist. de l'Acad. des Sciences* 1706. p. 33. Latomus autem PAREI *de rec. vuln.* L. IX. C. XXX. p. 313. intrà triduum periit. Verum Pulmonis, Cerebri, Cordis, gravissimis vulneribus morbisque diutissimè supervictum esse, historiæ Medicæ satis declarant. A vitiis respirationis & digestionis, primariorum munerum Septi vulneratos periisse, ex ipsæ citatæ historiæ testantur.

(*d*). *Dissert. Physiol. Pathol.* V. p. 92. 93. Diaphragma tantum aëri impulsu cedere, hoc expulso se restituere, formicem priorem efformare.

(*e*) *Observ. Anat.* XXXIV. qui relaxari in Inspiratione, costas in Expiratione undique arctare Septum, docet.

(*f*) *De Re Anatom.* L. V. C. XXI. p. 140. 141.

(*g*) *Theatr. Anatom.* L. II. p. 196.

(*h*) *Anat.* L. II. C. V. p. 256. 257. costas detrahere, expirationem cum aliquo inpetu ordiri, cedentibus verò costis

SPAR BARTHOLINUS fil. (i). Alii ad Inspirationem facere quidem, sed secundariò, & quia robustiorum Musculorum in dilatationem Thoracis nixum superare non valeat, spontè potiùs Expirationem facturum, ut CHESELDEN (k), SANTORINUS (l); vel ad Inspirationem facere, non

stis relaxari, & Expirationem à reliquis ipsi dicatis Musculis perfici. Quæ eædem voces sunt BARTHOLINI filii.

(i) *De Struct. Diaphr.* p. 29. C. I. qui postquam contrariam STENONIS sententiam adtulit, nec ipse sentit se Præceptorì contradicere, & audacter verba se ipsum damnantia exscribere pergit.

(k) Sententia hujus planè singularis est *Anat. of human body* p. 118-120. Solum Diaphragma si agat, Thoracem constringi, costas detrahi, abdomen protuberare. Si cum Musc. intercostalibus agat, qui simul costas elevant. Thoracis cavum explanato Septo elongari. Si cum M. Abdominis agat, superari, fieri convexum intrà Thoracem. Si cum M. Abdominalibus alternis agat, fieri moderatam elongationem; & abbreviationem Thoracis. Si cum M. Intercostalibus, dilatationem & constrictionem. Illud in Homine procumbente, hoc in erecto fieri. Nè utros Musculorum, Intercostalium, Abdominisve, superare valere. Paucis quædam moneam. Cum Musculis Abdominis simul agere nequit; hi enim costas detrahunt introrsumque premunt, punctum fixum Septo abripiunt. Spontè Thoracem dilatat elongando. Situs quid huc faciat, hæud video.

(l) *Observ. Anat.* C. VIII. §. 10. spontè Thoracem constricturum, non constringere, quòd costas à firmioribus in-

non autem primario, ut ETTMULLER (*m*), SCHËLHAMMER (*n*). Alii verò præcipuum esse organum Inspirationis, iique vix enumerari possunt. Ita senserunt; GALENUS (*o*), VESALIUS (*p*), VALVÆRDUS (*q*), VIDUS VIDIUS (*r*), HIERONIMUS RO-

tercostalibus retentas detrudere non valeat, sic in rectitudinem tantum explanari. Quæ quidem vera sunt, nisi quòd Diaphragma minus firmum habeat tendinem, quàm costas, huncque magis detrudere debeat, quàm illas.

(*m*) *De abstruso respir. neg. Diff.* II. Inspirationem tamen facere, sed non primario, fatetur.

(*n*) Ad CONRING. *Introd.* p. 177.

(*o*) Rectè monente VESALIO, solet sæpè GALENUS in parvis multus esse, cum ad rerum momenta pervenitur, ea planè præterire. Et sententia ejus de Diaphragmatis motu non suo loco, sed sparsim variis locis obiter, indicatur. *De Admin. Anat.* L. VIII. C. II. perficere, dicit, Septum respirationem obscuram, quæ sit imò Thorace moto supernè quiescente. *De Mot. Musc.* L. II. C. IX. Antagonistam non habere, Expirationem fieri à mero collapsu, Inspirationem moderatam perfici à Diaphragmate, violentam à Musculis in collo sitis & Intercostalibus. *De loc. adf.* L. IV. C. 4. Sanum animal Inspirationem solo Septo peragere, si laboret, etiam Intercostales requiri. *De usu part.* L. V. C. XV. Fœces propellere retinentibus interim Thoracem intercostalibus, ne eum detrudere valeat Septum. Alibi ut *de Voc. Org.* C. VIII. Diaphragma inter Inspirationis Musculos omittit, & solum ei passivum motum in expiratione concedit.

(*p*) Anteriora Thoracis detrahi, posteriora dilatari VESAL. *de Fabr.* C. H. L. II. C. XXXV. p. 340. Negat autem

RONYMU FABRICIUS AB AQUAPENDENTE (s),
 RIOLANUS (t), HELMONTIUS (u), SPIGELIUS
 (x), MARCHETTI (y), PEQUETUS (z), HIGH-
 MORUS (a), MAJOW (b), VAN HORNE (c);
 THRU-

autem Septum deorsum velli, licet ita videri possit viva bru-
 ta secantibus.

(q) Uti ferè omnia ex VESALIO habet, Inspirationem
 ab agente Septo, Expirationem eo relaxato fieri. L. II. C.
 XXII. p. 94.

(r) *Anat.* L. IV. p. 201.

(s) *De Respir. Instrum.* L. II. C. VIII. moderatam
 Inspirationem soli Septo adferit.

(t) RIOLAN. L. III. *Anthrop.* C. IV. p. 214. eadem
 sentit, & vivorum sectiones adlegat.

(u) *Catarrhor. delirant.* ubi multa in hanc rem utilia ha-
 bentur. Costas in moderata Respiratione non moveri cir-
 cumducto cingulo observavit.

(x) *Anat.* L. IV. C. VIII. Thoracem elongare in In-
 spiratione, cum in Expiratione abbreviare intrà eundem pro-
 trusum.

(y) *Compend. Anat.*

(z) PEQUET *Exp. Anat.* p. 83. In vivorum sectioni-
 bus observavit posteriora Thoracis descendere, ascendere
 simul anteriora.

(a) *Disquis. Anat.* L. II. P. I. C. VIII. p. 129. Ex-
 spirationem à M. Abdominali Septum intrà Thoracem pro-
 pellentibus fieri, Inspirationem à Diaphragmate. Provocat ad
 vivorum sectiones.

(b) *De Respir.* p. 287. de *Mor. Musc.* p. 85.

(c) *Microcosmus* p. 101. & ejusd. Commentator JOH.
 PAULI ibid.

(d)

THRUSTON (*d*), SYLVIVS (*e*), SWAMMERDAM (*f*), STENONIS (*g*), DRELINCOURTIUS (*h*), BORELLUS (*i*), BOHNIUS (*k*), BERGERUS (*l*), VERHEYEN (*m*), MUNNIK (*n*), COWPER (*o*), JOH. JAC. PEYER (*p*), DRAKE (*q*), FANTONUS

(*d*) *De Resp. Diatrib.* p. 37. 38.

(*e*) *Differt. Med.* VII. *Prax. Med.* L. I. Cap. XXIII. & alibi.

(*f*) *De Respir.* C. II. adcuratissimè.

(*g*) *De Musc. & Gland.* Verissimè deduxit ex altitudine Septi, debere ejus fornicem in Inspiratione deprimi.

(*h*) *Canicid.* VII.

(*i*) Part. II. de *Mot. Animal.* C. VII. Prop. LXXX-XCII.

(*k*) *Circ. Anat. Phys. Progy mn.* V. p. 80.

(*l*) *De Natur. hum.* p. 17. 18. p. 31. seq. Adducit Vir Doctissimus MAYOWI experimentum, quo tubus vitreus fundum mobilem habens, vesicâ repletur. Detracto enim fundo, vesica inflatur. SENGUERDIUS verò huic Cylindro secundum addidit, huic fundum adfinxit mobilem, & observavit, hoc detracto inflari vesicam in primo, etsi Diaphragma medium perforatum fuerit. His destruere voluit actionem Septi, & adferere Musculis Abdominis, quod illi tribuebatur. Inter multa, quæ acutè respondet Cl. BERGER, sufficiat dixisse Respirationem apertò Abdomine minimè lædi.

(*m*) *Anat.* L. I. Tr. III. C. IV. p. 155. 157.

(*n*) *De Re Anat.* p. 97.

(*o*) *Myotom. Reform.* C. XIX.

(*p*) *Observat. Anat.* p. 56. in fœc. viva.

(*q*) *Anthropol.* L. II. C. II.

(r)

NUS (r), TAUVRY (s), HOFMANNUS (t), WINSLOW (u), BOERHAAVE (x), atque inter Philosophos GASSENDUS (y), BOYLE (z), du HAMEL (a) &c. Nec ipsa vivorum animantium resectio litem dirimere potuit. Utcunque enim Diaphragmatis momentum in Inspiratione satis perspexerint adcurati observatores, BORELLUS (b), WEPFERUS (c), DRELINCOURTIUS

(r) *Dissert. Anat. Phys.* IX. p. 165.

(s) *Anat. raisonnée* P. II. Ch. XII.

(t) *Med. System.* Tom. I. P. I. C. VII. p. 121. 122.

(u) *Adcuratè Anat. du Corps humain.* Tom. II. §. 1165. 1167. Tom. IV. *du Thorax* §. 151.

(x) *Institut. Med.* §. 616.

(y) *Abregé de la Phil. de Gass.* par Bernier Tom. V. L. VII. Ch. XII. p. 608. seqq.

(z) *De Vi æris elastica.* §. 41. *Digressio.*

(a) *Hist. Acad. Reg. L.* I. p. 132. &c.

(b) *Prop.* XCII. in cuniculo Indico, ubi protuberare intra Abdomen observavit.

(c) Inter plurimas vivorum sectiones, quæ *L. de Cicur. Aquat.* traduntur, spectant hæc imprimis illa p. 219. ubi describitur initium motûs à cruribus, elevatio in tumorem Abdomen spectantem, planitieî supernæ expansio, fibrarum carnearum tumor, tensio, lacerti sulcis separati; hæc in Inspiratione; in Expiratione relaxatio, sulcorum evanescencia: tum & p. 303. in catella, ubi adparet, quâ ratione adductis costis inferioribus ea pars Pectoris reddatur angustior, Diaphragma

M

TIUS (d), SWAMMERDAM (e), VERHEYEN (f), nec
 recedant experimenta LOWERI (g), BELLINI (h),
 ETTMULLERI (i), contrarii tamen in brutis ob-
 servati

phragma verò in Inspiratione planum, convexum in Expira-
 tione. Conf. & p. 252.

(d) *Canic.* VII. ubi vir, si alius, subtilis ingenii, toris
 duabus horis in vivo animale observavit, quâ ratione Dia-
 phragma in Inspiratione viscera Abdominis comprimat, pro-
 pulsus deorsum; in Expiratione se in Thoracem recipiat.

(e) Ubi observat Sect. II. C. IV. §. 5. *de Resp.* Respi-
 rationem in canibus & cuniculis à solo Septo peragi.

(f) l. c. Parte nempe anteriore elevari Diaphragma &
 sequi Costarum motum, longè tamen potiori versus Abdomen
 descendere, in Expiratione verò convexum fieri versus Tho-
 racem.

(g) *Transact. Philos.* n. 29. p. 544. Qui in cane, re-
 secto nervo intercostali, observavit, omnem Respirationis Rhy-
 thmum mutari, in Inspiratione Abdomen contrahi (non resi-
 stente nempe paralytico Diaphragmate), in Expiratione verò
 tumere & laxari, Musculis Expirationis aëre plenum Thora-
 cem comprimentibus, undè relaxatis tum Musculis Abdomi-
 nis, tumor deorsum. Fit hoc ob Nervos, qui ab Intercostali
 ad crura Diaphragmatis abeunt.

(h) Quod vide ap. TAUVRY. *Præf.* ORTLOBIAN.
 Nervus nempe Diaphragmaticus, resecto Thorace, digito con-
 primitur, inhibetur respiratio, mox verò laxatur & digitus
 versus Diaphragma ducitur, redit motus. Jam GALENUS
Admin. L. VIII. C. VIII. notavit, resectis Nervis Dia-
 phrasticis motum Septi subprimi.

(i) l. c. Anteriora nempe elevari, posteriora deprimi,
 &

servati testem se dat ARANTIUS (*k*), & PLEMPPIO (*l*) narrante inter sex Anatomicos resecti bruti Respirationem observantes, discessio facta est in contrarium paribus votis. Quod in canibus, felibus (*m*), cuniculis adnotavimus, & quod ex ipsa partium fabricâ firmo ratiocinio colligere potuimus, subjungimus.

§. IX. Diaphragmatis agentis status triplex est.

& ex gibbo explanari, sibi observatum in animalibus, quæ duabus horis singulari encheiresi viva servet.

(*k*) Qui in equa vidisse voluit, Diaphragma agere in Expiratione, relaxari in Inspiratione. *Obs. Anat.* n. XXXIV.

(*l*) *Fund. Med.* L. II. P. VII. C. III. Ipse adcedit opinioni Arantianæ. Claris viris quid imposuerit, intelligere videor. Resecto Abdomine, Musculi Abdominales, qui Septum in Thoracem propellant; nulli sunt, quare relaxatum Diaphragma, relapsis costis, spontè decedit, & sæpè tumorem versus Abdomen adfectare videtur, quod WEPFERO passim notatur de *Cic. aquat.* p. 251. 303.

(*m*) Feles ad vivisectiones aptissimæ, canes cruciatum minus tolerant. In felibus verò motus peristalticus obscurior, quare cum planè ex felium Inspiratione negavit HAGUENOT *Mem. de l'Acad. Roy. des Sciences* 1713. In omni autem animali satis adpareret, Diaphragma in Inspiratione durescere, pallefcere, tumescere, in sulcos separari, agere musculariter. Quare & WEPFERO notatum, digitam vulnerato Septo immissum stringi in Inspiratione, relaxari in Expiratione p. 251.

est. Omnes Musculi agendo se contrahunt, fibrasque colligunt in brevius, quare eas partes, quibus adnexi sunt, mutuo adducunt, in ratione reciproca firmitudinum. Eæ partes si resistent infinite, in Musculo instar veli expanso, nullum ex limitibus suis adducere valente, superest, ut curvam deprimat, fornicem in planum rectilineum mutet. Si partes, quibus Musculus necitur, à Musculis aliis in contrarios motus determinantur, obsequetur juxta excessum virium. Ad tres hos casus reducitur Septi actio. In naturali inspiratione solum (n) movetur Diaphragma, costis ad sensum inmotis, nisi quod imæ una vel altera Septi motum sequantur. Tunc media pars & posterior Diaphragmatis ex laxo fornice expanditur, & Thorax longitudine augetur, minuitur Abdomen. Sternum tum vix dimovetur (o), neque est necesse; Cordis enim

(n) Quod in dormientibus, sanis, tranquillis planum est. Conf. WINSLOW, §. 1165. GALENUS de loc. adf. L. IV. C. IV. HIER. FABR. AB AQUAPENDENTIE de Respirationis instrumentis.

(o) VESALIUS, BOERHAAVE, ALBINUS de Off. §. 179. putant. Sternum cum proximo costarum margine etiam aliquantulum retrorsum cogi, quod in paulo contentiore Respiratione obscure quisvis in se percipit.

(n)

(p)

enim functiones ejus situm mutatum non patiuntur. Si contentior sit Inspiratio, & copiosiori sanguini, vel eidem ægrius Pulmonem pervadenti, spatium parari debeat, agunt simul Musculi Intercoştales (*p*), Costas vertunt sursum extrorsumque, Sternum retinent, Costæ vero imæ, validè agente Septo, detrahuntur. Sic longitudo Thoracis simul cum latitudine utraque augetur. Si tandem Respiratio fuerit sublimis & impedita (*q*) magis; uti ferè in animalibus moribundis, tum adeò violentè Costæ elevantur à Scalenis, Intercoştalibus, Pectorali, aliisque, ut & Diaphragma motui fortiori obsequatur, nec intrà Abdomen protuberare valeat. Post utramvis trium harum actionum sequitur relaxatio Septi, & in prioribus à Musculis Abdominalibus intrà Thoracem conpulso.

§. X. *Ufus* ergò Diaphragmatis, primarius, Respirationem perficere ordinario. Cæteri, Fæces,

(*p*) GALENUS & FABRICIUS l. c. BOERHAAVE *Inst.* §. 616. TAUVRY *Anat. rais.* P. II. C. XII.

(*q*) Imò & intrà Thoracem sequitur. Quæ altera causa est, quare in Expiratione quandoque Diaphragma descendat, in experimentis ARANTII, PLEMPHII, VERHEYENI & WEPPERI *de Cic. aq.* p. 251. *Conf.* §. VIII. *not. k.*

ces Alvi & Urinæ expellere (*r*): in Inspiratione enim forti, magnâ vi viscera Abdominis deprimit, exprimit; hinc motum Chyli promovere comprimendo subjectam sibi vesiculam (*s*); ad digestionem potenter facere (*t*), Ventriculum plenum in Inspiratione ad tensum Peritonæum adprimendo; Secretiones & liquorum motus, in Hepate, Liene, Renibus, adjuvat (*u*).
Rifus

(*r*) GALENUS. *de usu part.* L. V. C. XV. BOERHAAVE *Inst.* §. 111. licet fatendum sit, egestionem Urinæ & Alvi etiam post resectos M. Abdominis & Diaphragmæ, contingere, Vesicâ inprimis se in minimum globum constringente, WEPFER. l. c. passim.

(*s*) BOERHAAVE *Instit.* §. 124.

(*t*) BOERHAAVE *Inst.* §. 86. LEEUWENHOEK *Phil. Transf.* n. 380. p. 438. Facile verò adparet vis Septi, posteriori fornicem Ventriculi ad anteriorem prementis; licet non æqualem putem libris $112550\frac{50}{61}$. uti PITCARNE *de Motu, quo cibi* &c. Ille, ut vires constringentes Ventriculum augeat, Musculorum etiam Abdominalium, ipsorumque Pyramidalium vim jungit vi Septi, licet alternè agant, & admittit Musculorum vires esse in ratione ponderum, quo principio vix falsius est aliud.

(*u*) BOERHAAVE passim. MORGAGN. *Epist. Anat.* II. §. 60. Imò verò etiam secretionem Pancreatis, Renum succenturiatorum, motum succi Nervi in Ganglio semilunari, Chyli per Mesenterium, Sanguinis per omnia Abdominis viscera.

(*x*)

Rifus (*x*) certè , Fletus (*y*) , Singultus (*z*) , Vomitus (*a*) , relaxationi Septi debentur , non ejusdem contractioni musculari.

(*x*) Rifus fit relaxato Diaphragmate , alternè à contractis Musculis Abdominalibus in Thoracem propulso ; *Lower de Corde* p. 94. Quare sequitur Septi vulnera , ut *Hipp. Epidem.* V. Sect. 34. morbosæ , ut Inflammationem Septi , quæ Paraphrenitis vocatur , Inflammationem Lymphaticam apud *FRANC. DE EVANGELISTIS E. N. C. Dec. III. Ann. I. Obs. 22. p. 44.* Hytericos tandem adfectus , in quibus succellio principii moventis , quod per Nervos influit , turbatur.

(*y*) Sonitus in Fletu fit in Expiratione , relaxato ergò Septo.

(*z*) Voluntarium Singultum sibi fuisse testantur *SYLVIVS de le BOE Prax. L. I. C. XXIII.* *Lower l. c.* indè deducunt , esse ergò adfectionem Septi. Verum singultus fit in Expiratione , in qua Septum languet. Videtur constrictionem fieri Septi , idque deindè subito laxari , sic sonum à Musculis Abdominis exprimi.

(*a*) De hoc Diff. nostr. §. 6. not. 1.


F I N I S.

E X.

E X P L I C A T I O.

F I G U R Æ.

- A. Cartilago Ensisformis.
- BB Margo Costarum Spuriarum.
- C. Tendinea membrana, Costæ XII nexa.
- D. 1. 2. 3. Tres Vertebrae Lumborum superiores.
- E. Aorta à sinistra sede Vertebrae paulatim dextram confcendens.
- FF. Carnea portio Diaphragmatis orta ab ambitu Costarum Spuriarum.
- G. Fasciculus ab appendice Sæmni.
- HH. Fibrae à duodecima Costa.
- II. Tendinis medii portio, qua fibrae recta adscendunt antrosum.
- KK. Musculosæ appendices interiores.
- LL. Decussatio fibrarum carnearum sub Oesophago.
- MMM. Tendinea expansio Diaphragmatis.
- N.O.P. Foramen Cavæ.
- N. Fasciculus fibrarum exterior & interior.
- O. Fibrae obliquæ priores connectentes.
- Q. Foramen Oesophagi.
- RR. Appendices exteriores non perpetuæ.
- S. Arteria Coeliaca.
- * Suprà hanc sedes, undè singularis Arteriola ex Aorta oritur, quæ in semilunare Ganglion abit, nemini Auctorum notata.
- T. Mesenterica superior.
- V. Renalis dextra.
- X. Sedes, qua intrà Pinguedinem Receptaculum Chyli locatur.



J. M. F. del.

